




W. E. B.

162




John Carter Brown.




162

C

Rare.







Frobenius

martin frobenius



Exigatio à Fortibero A. 1577. mens. Mayo, Junio, Julio, Augustus et Septentri insulata.
 Delinatio hominum ex Angliâ advektorum, cum eorum armis, tentorijs et naviculis. A. 1577.



Fori animal unicomne
 quadrupes, ante 200
 annos, ita delin-
 eatum, et ex
 itinerario Bernh.
 de Breidenbach
 in terram sanctam
 excerptum.



L. N. J.

HISTORIA NAVIGATIONIS

MARTINI FOR- BISSERI

Angli Prætoris sive Capitanei,

A. C. 1577.

Majo, Junio, Julio, Augusto & Septembri mensibus,

JUSSU REGINÆ ELISABETHÆ,

Ex Angliâ, in Septentrionis & Occidentis
tractum susceptæ,

ephemeridis sive diarii more conscripta & stilo,

triennioq; post, ex gallico in latinum sermonem,

Job. Thoma Freigio translata,

Noribergæ, antè A. 94. cum præfatione utili, observationib;
aliquot & appendice edita, denuò prodit, é musæo D. Capelli P. P.



HAMBURGI,

Sumptibus JOH. NAUMANNI & GEORGI WOLFFII,


Anno 1675.

MARTINI FOR- BISSET

Aperitif, Brandy, & Cognac

It is the only one of its kind
 which has been
 in France, in September & October
 Italian, English,
 Spanish, & Portuguese
 medicinal, & is sold in various
 bottles, & is sold in various
 bottles, & is sold in various

Not to be confused with the
 and is sold in various bottles



MADE IN FRANCE
 IMPORTED BY J. & F. COGNAC
 AND



V I R O
 AMPLISSIMO
 DOMINO
 HIERONYMO PAVM-
 GARTNERO,

*Septemviro Reip. Noriberg. & Scholarchæ Gy-
 mnasii Altorfensium,*

JOHAN. THOMAS FREIGIUS S.

I.



*Navigaciones inusitate, quæ superiore
 proximo seculo, per homines ingenii magnitu-
 dine & animi fortitudine præstantes, in usum
 revocata sunt, merito disputationem plenam
 jucunditatis & oblectationis pepererunt, an tot
 insula, totq; regiones, intra centum annos pro-
 ptemodum detecta, veteribus cognita fuerint.*

*Etsi autem ipsa novi orbis appellatio, satis indicare videatur, anti-
 quos de ipso, aut nihil aut perparum scrivisse, præsertim cum in ve-
 terum commentariis aliùm de eo silentium sit: in eam tamen opinio-
 nem veni, ut existimem novum, quem vocant, orbem, antiquis non
 omnino ignotum fuisse.*

*2. Nam ut à Platone, philosophorum Deo, potissimum incipiam,
 ait is in Timao, seu quisquis ejus libri autor fuit, insulam in occidente
 Atlanteam fuisse, extra columnas Herculis, Africa & Asia longè ma-
 jorem. Verba hæc sunt. Ἡν πρὸν δὴν αὐτῆς ὕψος τοσοῦτον ἀπὸ τῆς πρῆς.*

σαν θρώπην καὶ αἰσίαν, ἔχων ὀρμηθεῖσαι ἐκ τῆς αἰτλαντικοῦ πελάγους.
(τότε γὰρ παρέσιμον ἦν τὸ ἐκεῖ πέλαγος) νῆσον γὰρ πρὸς τὴν ἑσπερίαν εἶχεν
ὁ καλὸς ἡγεκλέας ἡλας. ἡ δὲ νῆς τῆς λιγύνης ἦν καὶ ἀπείρος μέγαν, ἐν δὲ
τῇ αἰτλαντῇ πρώτη νήσῳ, μεγάλη καὶ πωέση καὶ θαυμαστὴ δύναμις βασιλέ-
ων, κρατοῦσα ὑπὸ ἀπείροις τῶν νήσων, πολλῶν δὲ ἄλλων νήσων ἐκ μερῶν τῆς
περίου. Idem propemodum in Critia scribit. Antiquior autem illo
Homerus, cum duplices Aethiopas faciat, ad occidentalem illam in-
sulam respexisse videtur, Sic enim ait:

Αἰθιοπας, διχρὴ δὲ δαδαῖα ἔχουσι ἀνδρῶν.

Ne autem de Africa Aethiopibus id tantum intelligi possit, facit
Crates apud Strabonem libro primo: ubi Strabo ipse, qui hos Homeri
versus ex sententia Crateis interpretatur, sic ait: ὡς περ ἔν οι παρ ἡ-
μῖν αἰθιοπες εἶσι λέγονται οἷα πρὸς μεσημβρίαν κεκλιμένοι παρ ἄλλων τὴν
οἰκισμένῳ, ἔχουσι τὰ ἄλλων παροικουῦντες τὸν ὠκεανόν: ἔτιως οἷα δὲ
καὶ πέραν τῶν ὠκεανὸς νοεῖται Ἰνὰς αἰθιοπας ἐχάτας τῶν ἄλλων, τὴν ἐν τῇ ἐ-
πείρᾳ ἐκ πρώτῳ παροικούντας τὸν αὐτὸν ὄν ὠκεανόν. διττὰς δὲ εἶναι
καὶ διχρὴ δαδαῖα πρὸ τοῦ ὠκεανὸς. Sicut à nobis ii dicuntur Aethio-
pes, qui versus meridiem siti, totius habitata terra in extremo ad
Oceanum accolunt: ita putat etiam trans Oceanum intelligendos esse
alios quosdam Aethiopes, reliquorum extremos, qui in altera temperata
Zona, ipsi quoque, ad Oceanum habitent. Eos igitur geminos esse, &
bifariam divisos. Sed memoratu dignius est, quod idem Strabo lib. 2.
de Menelai Regis Gracorum peregrinatione, scribit ex Aristonico Gram-
matico, qui dicat eum circumnavigasse, per Gades usque ad Indiam, tem-
pus etiam peregrinationi accommodans, quod octavo nimirum anno
redierit.

3. Multò autem admirabilius est, quod de Eudoxi navigatione
eodem libro refert. Is cum in Egyptum venisset, quo tempore Ever-
getes secundus regnum tenebat, cum rege & ejus familiaribus ser-
mones contulit, maxime de sursum navigando Nilo. Forè t. οὐδὲ
custodibus Arabici sinus, Indus quidam ad regem fuit allatus, dicen-
tibus, eum semimortuum à se inventum fuisse in navi solum, neq. se
scire, quis aut cujus esset, quòd sermonem ejus non intelligerent. Hunc
igitur Rex commendavit iis, qui eum linguam Graciam docerent, qua
per-

percepta, homo narrauit, ex India se navigantem, recto cursu excidisse, atq; huc evasisse, sociis fame amissis: simulq; pollicitus est, se navigationis ad Indos monstratorem fore iis, quibus eam rem Rex demandaret, inter quos & Eudoxus fuit. Hic ad Indos cum donis navigavit, & eorum loco reportavit aromata ac lapides preciosos, quorum alios fluvij cum scriptis debebant, alij effodiuntur congeri ex humore, ut apud nos crystalli. Caterum Eudoxus sua spe falsus fuit, Evergeta quicquid nave advexerat adimente. Mortuo Evergeta, uxor ejus Cleopatra tenuit regnum, rursusq; ab hac missus Eudoxus majore cum apparatu, ventis supra Æthiopiam est delatus: ubi cum ad quedam loca appulisset, animos incolarum sibi conciliavit frumenti, vini & caricarum largitione, quibus illi carebant: ab iisq; è contrà aquam & navigationis duces accepit, & vocabula quædam descripsit: cumq; invenisset summitatem proræ, è naufragio superstitem, equo in sculpio insignem, idq; cujusdam, navis ab occasu advecti, naufragium esse inaudivisset, secum in reditu detulit, salvusq; in Ægyptum rediit, filio Cleopatra jam suffecto in regnum: & denud omnibus fuit spoliatus, cum compertum esset multa ipsum intervertisse. Proræ autem summitas ab ipso in emporium delata, nacl. risq; exhibita est, fuitq; ab his edoctus, Gaditana esse id navis. Nam Gaditanorum mercatores, ingentibus uti navibus, pauperes parvis, quas equos appellant à proræ insignibus, iisq; eos piscandi gratia usq; ad Lixum amnem circa Maurusiam navigare: atque adeo quidam naclerorum lignum illud anius eorum fuisse, qui ulterius à Lixo fluvio navigarant, neq; reversi fuerant. Ex his Eudoxus collegit, posse Lybiam navigio circumiri: itaq; Cyzicum in patriam reversus, omnibusq; suis facultatibus navis impositis, navigationem instituit: primum Diaarchiam, inde Masiliam, ac reliqua deinde ora, maritima navigata, Gades pervenit. Ubiq; autem divulgato instituto, rem fecit, magnaq; navis comparata, & duabus scaphis lemborum piraticorum similibus, impositis pueris symphoniacis, medicis, aliisq; artificibus, Indiam versus per altum navigavit, subvectus continentibus Favoniis. His autem, qui unà vehebantur, ex navigatione defessis, invitus ad terram secundo vento appulit, m. tuens sibi ab astium marinorum vicibus. Evenit
autem

autem quod metuerat. Subsedite enim navis, sensim tamen, non subito soluta: sed & merces prius & lignorum deinde major pars in terram fuit egesta. E quibus lignis tertium confecit lembum, assimilem quinquaginta remorum navi, & navigavit usque ad eos homines, qui sermone eo utebantur, quem antea literis ab eo signatum fuisse retulimus. Id etiam ibi animadvertit, hos homines ejusdem gentis esse cum illis Aethiopibus, & esse similes in Bocchiregno. Inde omissa ad Indos navigatione rediit, interque navigandum annotavit insulam, quam aqua & arboribus bene instructam vidit. Cum in Maurusi-
am in lolumis pervenisset, divenditis lembis terrestri itinere ad Bocchum ivit, eique suscipienda hujus navigationis autor fuit. Vicit tamen sententia familiarium, qui monebant, metuendum esse, ne ditio hacita aliorum insidiis opportuna redderetur, commonstrato aditu is qui extrinsecus bellum inferre vellent. Itaque ipse, cum audiret verbum se ad eam destinari navigationem, futurum autem ut in solam aliquam exponeretur insulam: in Romanorum effugit provinciam, indeque in Hispaniam. Tum rursus constructa terete navi, & alia quinquaginta remorum longa, ut illa per altum veheretur, hac pone terram: impositis instrumentis rusticis, seminibus & architectis, ad eandem circumnavigationem se consulit, eo consilio, ut, si ea tardius succederet, in prius annotata insula hyemaret, confitisque agris & perceptis fructibus, initio propositam navigationem absolveret. Hac Strabo de Eudoxi περιπλ. Optandum autem esset, plura de hac Eudoxi navigatione, per illum annotata fuisse. Et quanquam hac quoque pauca, suo quodam instituto refellere conetur, non tamen incredibilem fuisse illam Eudoxi circumnavigationem, experientia nostri seculi amplissimo testimonio comprobavit.

4. Accedit & autoritas Plinii, qui lib. 2. cap. 67. ait: à Gadibus columnisque Hercules, Hispania & Galliarum circuitu, suo tempore totum navigatum fuisse occidentem. Septentrionalem vero oceanum, majore ex parte navigatum esse, auspiciis Divi Augusti. Præterea ait: Nepotem Cornelium autorem esse, Eudoxum quendam sua ætate, cum Ptolemaum Lathyrum fugeret, Arabico sinu egressum, Gades usque per-
vectum: multoque ante eum Calium Antipatrum vidisse, qui naviga-

rit ex Hispania in Æthiopiam commercii gratia. Eundem Nepotem de Septentrionali circuitu tradere ait, Q. Metello Celeri C. Afranii in consulatu collega, sedum Gallia proconsuli, Indos à rege Suevorum dono datos, qui ex India commercii causa navigantes, tempestatibus essent in Germaniam abrepti. Hac ille. Quin etiam sunt nonnulli, qui tempore Caesaris Augusti Americam notam fuisse existiment, argumentoejus, quod Virgilius libro sexto Æneid. canit,

Iacet extra sidera tellus,

Extra anni solisq; vias, ubi cœlifer Atlas

Axem humero torquet stellis ardentibus aptum.

Nam quòd hac Servius de Æthiopia Maurorum, apud quos Atlas mons est, intelligit: germana nuga sunt: cum Maro haud dubiè Atlanticam Platonis insulam hæc versibus describat, quam extra Zodiacum, tam versus septentrionem, quàm versus meridiem se extendere sciebat. Nec omittendum aut contemnendum est, quod Aristoteles in libello περὶ θαυμασίων ἀκροσμάτων, hoc est, de mirandis in natura auditis refert. Ἐν τῇ θαλασσῇ τῇ ἔξω ἡρακλείων σελῶν Φασὶ ὑπὸ Καρχηδονίαν νῆσον ὄρεθῆναι ἐρημὴν, ἔχουσαν ὕλῳ τε παντοδαπῇ καὶ ποταμοῖς πολλοῖς καὶ τοῖς λοιποῖς καρπῶς θαυμαστῇ, ἀπέχουσαν δὲ πλείων ἡμερῶν, ἐν ᾗ ἐπιμισοχομένων τῇ Καρχηδονίαν πλεονάκεις διὰ τὴν ὁδὸν μοῖναι, ἐνίων γέ μιν καὶ οἰκίστην, τὰς πρὸς ὧς τῇ Καρχηδονίαν ἀπέπει-
αζ θανάτῳ ζημιῶν τὰς εἰς αὐτὴν πλοῦσι μένεις, ἔ τὰς οἰκῶντες πάν-
τας ἀφθαίει, ἵνα μὴ διατελώσι μηδὲ πλεῖστος συσπράξῃ ἐπὶ αὐτῶν ὅτι
τὴν νῆσον, κυρίας πόλιν, καὶ τὴν τῇ Καρχηδονίαν ὁδομονίαν ἀφελῇ). Hoc est, ut Pirckaimerus interpretatus est: Trans Herculis columnas, in eo mari, quod Atlanticum dicitur, inventam quandam insulam, à Carthaginensium mercatoribus, olim fuisse, inquiunt, à nullis id temporis habitatam, præterquam à feris, & propterea sylvestrem admodum, & multis refertam arboribus: aliqui fluminibus plurimis, ad navigandum aptissimis plenam, ac incredibili quadam omnium rerum nascentium ubertate profluentem, sed remotam à continui, plurium dierum, navigatione. Ad quam, cum nonnulli Carthaginiensium mercatores fortè accessissent, captivæ ejus loci fertilitate ac æ-

vis clementia, ibi sedem fixissent: commotos ob id Carthaginienses, ferunt statim consilio publico decrevisse, morte indicta, ne quis post- hac illuc navigare auderet: & qui jam erant, iussisse statim inter- fici (Pyrethaimerus videtur legisse σκοπεῖναι) ne ipsius insula fama perveniret ad alias nationes, submitterenturq; alicui fortiori impe- rio, ac fieret quasi oppugnaculum quoddam adverso- rum libertatem. Et in eodem libello circa finem ferè ait. λέγεται περὶ Φόνικας τὰς κα- τὰ τὴν θάλασσαν κατέμεινα, ἔχοντες πλεονέκτας ἡγεμύνας σιληῶν ἀπη- λιώτη ἀνέμῳ ἡμέρας τέσσαρας, πρὶν γίνεσθαι εἰς Ἰνους ὕπας ἐρήμους, θούρας καὶ φύκους πλήρεις, ἐς ὅταν ἰδρὶ ἀμπώλεις ἢ βαπτίζεσθαι, ὅταν δὲ πλημυρίζῃ, καὶ ἀκλύζεσθαι. ἐφ' ὧν δὲ ῥέπκεσθαι παρὰ τὸν Ἰνύνων πλῆθος, ἔτις μερῶσι καὶ τῶν πόντων ἀπὸ πρὸς ἐπικείλῃσιν, ἐς τὰς χεῖρας ἐσωθέντες εἰς ἀγγεῖα, ἀποκομίζουσιν εἰς Καρχηδόνα, ὧν Καρχηδόνοι μόνον ἐπιπλέον τῶν ἐξαγωγῶν, ἀλλὰ καὶ τῶν ἀρτίων ἢ ἔχουσι καὶ τῶν βρώσων, αὐτοὶ καὶ ἀναλίσκουσι. Hoc est, ut idem inter- pretatus est: Ajunt etiam Phœnices illos, qui in Iulia Gadum incolunt, cum trans Herculis columnas per dies quatuor enavigassent, vento ma- ximo Apeliote tracti, applicuisse tandem ad loca quedam inculta pro- prius ac deserta, verum plena multa illa via, & continuo penè conquis- sata motu: ea ubi cessaverit aestus, facile conspici posse, sed redeun- te immergi: in quibus invenisse eos affirmant, incredibilem quan- dam thynnorum multitudinem, magnitudine quidem & amplitudi- ne admirabili. Tum verò ab his laqueos parari cepisse, quibus cape- rentur: captos autem membratim concidere, atq; eorum carnes defic- care paulatim consuevisse, ac demum in vasis reconditos, deferre Carthaginem. Verum à Carthaginiensibus non exportari ulterius è civitate, sed potius eos domi consumere ob eam quam ferunt hujus- modi pisces, in conviviis dignitatem & excellentiam de se prestare.

5. Nec verò prophanorum duntaxat autorum, sed sacrarum etiam litterarum testimonio uti hac in re possumus. Nam ubi lib. 3. Regum cap. 9. mentio fit insula Ophir, ex qua classis Salomonis aurum adveherit: ibi hanc regionem India pluriq; intelligunt, recen- tiores verò Hispaniolam in novo orbe versus occidentem inveniamt quam ab Heberi nepote Ophir (de quo Genes. 10.) dictam esse auu- mant.

mant. Ex his igitur tot Philosophorum, Poëtarum, Geographorum, Grammaticorum, & S. in primis litterarum testimoniis constat, illum novum orbem veteribus quoque non prorsus ignotum fuisse. Quae autem causa fuerit, cur illa navigatio tam diu intermissa sit, incertum est. Credibile tamen est vel regum civitatumq; interdictis illis id accidisse, vel ob Romani imperij inclinationem, cum totius orbis noster bellis & vastationibus Gothorum, Vandalorum, Longobardorum arderet; & Turcici imperij incrementum, omnes vires & cogitationes Europa in se converteret.

6. Sed utcumq; se res ista habeat, hoc proximo seculo magna ex parte ista regiones rursus detecta sunt, insatiabili Hispanorum cupiditate, sed autore & inventore Christophoro Columbo Genuense, qui primus, Ferdinando & Isabella regnantibus in Hispania, novum orbem investigavit, anno dñi. cccc. xcii. & Cubam, Hispaniolam, Cubaguam, insulas: item Veraguam & Vrabam Indicae continentis provincias detexit. Hunc sub Carolo Quinto Imp. secuti sunt alii. Cortesius enim novam Hispaniam & Mexicanum Montezumare regnum: Valboa mare australe, quod vulgò mare del Sur dicitur: Pizarrus Peruanum ingens illud Atabaliba regnum: Magellanes Magellanicum à suo nomine fretum: Pontius Legionensis Floridam provinciam: Fernandes Jucatanam aperuerunt. Et sanè magnum hoc nostri seculi beneficium videri posset, nisi statim fœda avaritia ingluvie diraq; ducum inter se laniena, fœdatum inquinatumq; fuisset. Nam post primam illam pugnam, inter Christophorum Columbum & Franciscum Porsium in insula Hispaniola commissam: nonne ipsi duces, qui Peruanam illam terram cepere (ut Lullus Balearicus annotavit) & in illa gubernanda sibi succedere, mutuis cadibus omnes ferè confecti sunt? Nam Franciscus Pizarrus strangulavit Almagrum: Pizarrum vicissim necavit filius Almagri: hunc postea Vasca decollavit: Vascam cepit Blasco prorex: hunc in pralio interfecit frater Pizarri: Pizarrus tandem à Vasca capitali supplicio affectus est. Recte enim Sophocles in Antigona,

Οὐδὲν γὰρ ἀνθρώποις ὄιον ἄργυρον
Κακὸν νόμισμα ἔβλαπτε: Ἔτο καὶ πόλεις
Πορθεῖ, τὸ δ' ἄνδρας ἐξανίστησι δόμων,
Τὸ δ' ἐκδιδάσκει καὶ παραλλάσσει Φρένας
Χρηστὸς πρὸς αἰετὰ πρᾶγματ' ἰσχυρὸς βροτ':
Πανουργίας δ' ἔδειξεν ἀνθρώποις ἔχαι,
Καὶ παντὸς ἔργου δυσέβειαν εἰδέναι.

Et Horatius lib. 3. carm. oda 16.

Aurum per medios ire satellites,

Et perrumpere amat saxa, potentius:

Ictu fulmineo.

Crescentem sequitur cura pecuniam,

Majorumq; fames.

7. Quod verò ad originem & stirpem harum gentium attinet, in eam sententiam aliquando delapsus sum, ut ex Chami posteris deductas esse, & parentis maledictis ac diris irretitas, in hanc extremam orbis partem, ab humanitate penitus semotam, relegatas crediderim. Quam meam sententiam, mirabiliter confirmari sensi, cum è Lerii Navigationis Brasiliensis cap. 16. cognoscerem, eundem idem sensisse, sedecim annis ante, quam Hispani auctoris, qui historiam generalem Indiae scripsit, sententiam, de eadem re eandem cognovisset. Et sanè in huiusmodi obscuritatibus, nihil illa conjectura nobis magis verosimile occurrit, vel potius, nihil occurrere posse existimo. Hac de nostri seculi navigationibus praefari volui, vir amplissime: ut nostrorum colloquiorum, quae de his rebus, inter nos habita saepe sunt, memoriam renovarem, accommodatam ad eam rem, quam tuo hortatu aggersi sumus. Te enim suadente, navigationem illam Anglicanam, è gallico sermone converti, quam Forbissenus Anglus, Septemtrionem versus suscepit. Quae quoniam, te autore, latine loqui cepit, ad te potissimum eundem redit. Sed praestat Pitbourn ipsum exordientem & narrantem latine audire.

Præ-

Translatio præfationis, gallicæ edi-
tioni præmissæ.

AD DOMINVM DE ALTO ET PVELMONA-

STERIO,

Commissarium rerum bellicarum
ordinarium, præfatio

NICOLAI PITHOI, DOMINI

de Chamgoberto.

I.



ON DVBITO QVIN SI HOMINES ISTI,
qui summum bonum opibus & divitiis metiuntur, quig
illud Poëta semper in ore habent:

O cives, cives, quarenda pecunia primum:

in hanc historiam inciderint: quam primum de tot the-
sauris & immani opulentia, qua in Septentrionalis illius ora visceri-
bus abstrusa est, narrari audierint, statim beatos illius regionis incolas
existimaturi, & cum iisdem, quantumvis barbaris, suam conditionem
libenter permutaturi sint. Alij vero, qui misérias & calamitates,
quas plerumq; hæ immensa divitia & opes, tanquam comites secum
adducunt, considerabunt: ij clades illius populi, & durissimam con-
ditionem deplorabunt, dicentq; optandum, totam illam malorum ca-
sam, quam longissime ab illis esse remotam. Nam pro sua prudentia,
animis cogitationeq; præcipient, sibiq; videre videbuntur, miseras gen-
tes sub perpetuum durissima servituti jugum redactas, qua ante a au-
reo quodam seculo, summa libertate & dulcissimo otio, longè ab inimico-
rum metu remoti, suo jure fruebantur, contenti rebus, quas terra ipsi,
sua sponte suppeditabat, Deniq; superioris ætatis & aliorum populorum,

eritissimis eventis animo repetendis, de futuris conjecturam facientes, nequaquam dubitabunt, quin eadem aut similia his expectanda & perpendenda sint. Existimabunt enim eos omnibus his rebus, quas possident, spoliatum iri, futurumq; ut in manus incendant exterorum, qui eos ex patria transportatos, collocaturi sint ubi sibi quam maxime expedierit. Quin etiam nullum alium eorum usum futurum, quam fossorum, ad excavandam scilicet humum & rimanda terra viscera, ut detegant thesauros, quos illa gremio suo abstrusos contegit; utq; instar mulorum & jumentorum trahant vexentq; auri massas, sine ulla spe premij aut mercedis. Vxores ipsorum & filie, impurorum hominum violentiis & stupris obiciuntur, inquent; ipsi tribus onerati, ac naturali libertate spoliati, in indignam servitutem abducentur: tandemque cum terra omnibus thesauris exhausta, ipsi autem egregie suis bonis nudati fuerint, indignissime voci praconis subjecti, plus offerenti addicentur. Et ut in pauca conferam, hanc summam sua cogitationis isti facient, fore ut cum his agatur, quemadmodum cum Indis & aliis pluribus actum sit.

2. Caterum ii, qui saniore judicio praditi fuerint, oculos animi paulo altius attollent, considerabuntq; quae felicitas & prosperitas illis barbaris, pro his thesauris in terra visceribus latentibus, parata sit. Nam hujusmodi homines ita comparati & lucri cupiditate adeo inflammati sunt, ut sine spe alicujus emolumenti non facile aliquis reperitur, qui navigationem suscipere velit in illas regiones, quae frigoribus torpent, montibus altissimis & glacie perpetua rigent, majore anni parte luce & splendore solis carent, ubi calidissima aestas tempestas, ita frigida est, ut media apud nos hyems: adeo, ut si ita liceat dicere, in natura contemptu factae videantur, ab hominibus barbaris, crudelibus & anthropophagis habitatae. Itaq; si illae regiones omnino steriles & sine emolumento essent, periculum esset, ne perpetuo incognita manerent, nec ullo hominum commercio frequentarentur: quo fieret, ut hi quoq; miseri homines, qui in his remotissimis regionibus hinc inde per vastas solitudines dispersi sunt, perpetuo illam vitam immanem & ferocem degerent, alieni ab omni civilitate, & spoliati usu rationis, quodq; miserrimum est, privati vero & summo hominis bono, quod in agnitione Dei consistit, qui ideo hominem

creavit & in hoc amplissimum theatrum collocavit, ut in eo & per eum gloria officeretur. Nunc verò cum exploratum certumq; sit, istas regiones fertiles & auro divites esse, homines facilius allicientur, Deumq; Opt. Max. illorum iter secundabit, ut Evangelij communicatione barbari isti ad mitiorem vitam traducti, assuescant ratione uti, & se ad humanitatem comparent: utq; à servitute diaboli (à quo hoc quidem tempore captivi tenentur) liberati, incipiant frui immensis illis beneficiis, quibus hactenus magno suo damno caruerunt.

3. Sed dicit aliquis, tam molestam & periculosam peregrinationem, nulla alia spe, nisi lucri suscipi: nihilq; minus quàm ipsorū salutem & divinā in cognoscendo vero Deo regenerationem quari. Et sanè, ut dicam quod sentio, non omnino fallitur qui ita existimat: quin & ipse quoq; credo, multo majorem partē eorū, qui hanc peregrinationem suscipiunt, nulla alia re quàm avaritia & habendi acquirendiq; desiderio duci. Imò illi ipsi ingenuè fatebuntur, se, si sciverint, illas regiones planè steriles & sine ullo fructu esse, quantumvis populosa fuerint, nunquam tamen pedem extra patriam posituros propterea esse. Sed in hac re quoq; incomparabilis & admiranda Dei Opt. Max. bonitas & providentia apparet, qui cum perpetuò paternam de salute hominum curam gerat, optimè novit, quando & quomodo res à se destinatas in effectū deducere possit: & quidem ratione hominibus ignota & à judicio humano aliena, imò huic ipsi quandoq; repugnanter. Quis enim (ut hoc potissimum exemplo utamur) existimaret fieri posse, ut homo, avaritia & pecunie cupiditate inflammatus, quiq; nihil aliud spectet aut propositum sibi habeat, quàm ut per fas & nefas immanes divitias sibi comparet: alteri prodesse, ejusq; commodum procurare possit? utq; is, qui in regionem aliquam, ad exhauriendas asportandasq; ejus divitias se contulerit, ad augendam eam, ornandamq; opibus auctor esse possit? Neminem existimo, tam fatuum aut stupidum esse, qui affirmaturus sit. Verum opera pretium sit considerare, quomodo Deus hac omnia moderetur. Nam occulta quadam ratione hominum mentes ita incitat, ut quantumvis principio longè aliud sibi propositū, namq; discedendi metā sibi præfixam habuerint, ipsi tamen ignorari & insci, ad pietatis religionisque semina, in barbarorum istorum animis spargenda proficiantur.

Id quod accidet, ut spero, in his, quorum in hac narratione mentio fit, nisi ipsi sua ingratitude & pertinacia suam salutem impedierint. Nec vero timendum est, ne idem his barbaris contingat, quod aliis similibus, quos historia, adeo crudeliter & immaniter tractatos esse testatur, ut sola commemoratio, horrorem audientibus inculiat. Nam quoniam illis res est, cum Regina tam humana, tam bona, tam pia, nullus exitus infelix pertimescendus est: cum certum sit, illam his rebus ea remedia adhibere, & pro sua prudentia ita providere posse, ut ea incommoda, quibus Indi expositi vexatiq. fuerunt, ab his Septentrionalibus arceantur prohibeanturq.

4. HEROICVM.

Vos, quicumq. Deo vallis gens sancta vocari,
 Et fertis populi laudem sub pectore fixam
 Divini, ac magni gaudetis nomine Christi,
 Vos inquam, memori decuit perpendere mente,
 Quae sors vestra esset: qua vos quoq. parte locati
 Rebus in humanis, & quali munere sacris
 Essetis tincti lymphis, iterumq. renati.
 Nam nisi, qui dextra nos omnipotente tuetur
 Spiritus, ingenti res nostras ferret amore,
 Nil nostra vita pejus, nil tristius esset.
 Aut si, quae primo nocuit tristissima mundo
 Vndarum illuvies, nostros quoq. saeva parentes
 Fluctibus extremas rapidis pepulisset in oras,
 Hospitia ut duri subeuntes frigida caeli,
 Languenti terram colerent sub sole jacentem:
 Haud dubie ignavis vita, brutasq. secutis
 Vivendi leges, non sensus Numinis ullus
 Esset, & agrarum vixissent more ferarum.
 Sic nova gens quondam, submersi conscia mundi,
 Et subnata recens, artis famaq. superbos
 Linquere cum vellet titulos, & ponere tota
 Ingenij monumenta sui clarissima terra:

Vrbem

Urbem struxerunt, & vastis molibus altam
 Turrim eduxerunt, quæ cælum vertice summo
 Tangeret, & supra nubes se tolleret omnes.
 Sed Deus, ut valida monstraret robora dextra,
 Hos ipsos variolinguæ discrimine scissos
 Hinc atq; hinc, partes mundi dispersit in omnes.
 Sic alij sævis undarum fluctibus acti.
 Ast alij audaci cacaq; cupidine mentis
 Consiq; suis opibus dextraq; potente,
 Terrarum varias longis ambagibus oras
 Caperunt late, & sylvas, camposq; jacentes.
 Verum hos (extremas quicunq; remotius oras
 Tentarunt, ausu circum præcordia magno,
 Lentaruntq; maris longinqua aspergine remos)
 Defecere hominum vestigia longius. Ergo
 Non illi quicquam cernunt nisi montibus altis
 Pendentibus scopulos, summaq; cacumina rupis:
 Et tenebras, noctisq; umbras & inania spectra,
 Et serum segnemq; diem: sol nascitur agrè,
 Lutea per nebulas ostendens pallidus ora.
 Incurrunt oculis nocturni sidera cæli,
 Et luna facies, modò qua per inania cornu
 Incedit gracili, & pallentes humida vultus
 Ostendit, liquidis cum emerit nuper ab undis:
 Et modò plena animis Phœbum se tollere contra
 Audet, & obscuras evincit lumine noctes.
 Illa quidem tempus vel quod jam protinus instat,
 Vel quod præterit, monstrat mortalibus agris:
 Non tamen est, certasq; vices, variosq; meatus
 Illos qui doceat: mentemq; ad sidera tollat.
 Qui primi terras adò cepere remotas,
 Hosce suas jam sub leges mors atra vocavit.
 Succedere illi nati, natisq; nepotes,
 Utq; solent umbris involvere tempora densis

Humanos actus, ignorant turpiter ipsi
Qua sint stirpe latu, aut genus unde ab origine ducant.
Nec quicquam, nisi quæ firmet presentia, norunt:
Et credunt homines, velut ipsa animantia, natos,
Vt brutas habitent terras, rationis egentes,
Et quod deterius longè, longèq; dolendum
Est magis, haud illos tangit reverentia Christi,
Nec quis sit Numen verum, cognosse laborant,
Quæ spes una hominum, sancta q; est plena salutis.
Tale hominum genus est, de quo hac narratio scripta est,
Quos monstrat veluti pecudes ratione carentes
Vivere: quod nihil est illis in fronte pudoris.
Non leges, non iura tenent, enormis & exlex
Gens, cui nulla usquam civilis portio vitæ est,
Humanisq; nihil: non ulla scientia rerum,
Aut sensus alij, quàm quos & belua sentit,
Vt quarant misera latebrasq; & pabula vitæ.
Namq; heu, vix hominum dignandi nomine, sicut
Bruta solent, herbis complent sua viscera crudis,
Labraq; concretis jungentes arida lymphis,
Vt canis exerta lambunt glaciem undiq; lingua.
Quin etiam (res mira & verè dira relatu)
Humana ventrem solantur carne voracem.
Insuper è pecudum gens hac sibi pellibus, arctas
Contextit braccas, grandes quibus integit artus.
Sed non dulcis amor illi, non pectoris ardor
Cognitus est, quo nos ipsi nos inter amamus.
O gens extremis degens miserabilis oris,
Etsi nec nomen, tua nec mihi natio nata est,
Nec quibus auricomus radiis illustra tangas
Regna Deus, noctisq; atra, lucisq; sequester:
Attamen humana cupio tibi prospera mente
Fortunas en nosce tuas, en aspice segnis,
Quæ Deus è celso mittat tibi munera cælo;

*Quas lintres hominesq; in curvo littore cernas.
 Non veniunt ut te jugulent, mortiq; remittant:
 Quod si divitias, & terra viscere tectos
 Thesauros quarunt: illos prohibere caveto
 Littoribus, portu potius tectusq; receptos
 In lati ducas penetralia maxima regni.
 Hospitij pro jure ipsi tibi munera solvent,
 Qua nullo possunt extingui temporis aro.
 Tuq; Deus celsi Rex atq; creator olympi,
 Cordi hujus gentis totis incumbere caminis,
 Anglica ut hanc semper tutis accedereremis
 Gens queat, & sancti dispergere semina verbi:
 Vt veluti huius nostris laudaris maximus oris,
 sic sub Parrhasia celebreris plurimus ursa.
 Et velut angelici laudant per cœlica templa
 Te cætus, laudent homines glaciale per aquor.*

5. ELEGIACVM.

*Quid falsas quaris, quas laudas fabula, naves?
 Et teris ingenio somnia ficta tuo?
 Aut cur consumit bona tempora Jasonis arbor,
 Et nunquam Euxino vellera visa sinu?
 Quanam summa fuit tanti tibi, quæ sol laboris?
 Anne, ut pro veris splendida verba feras?
 Nulla unquam pecudes, ex fulvo, crede, metallo
 Gestarunt villos, auricomasve cutes.
 Quin potius veras naves cognoscere tendis?
 Hic Argo, Jason hic tibi verus adest.
 Hic etenim regio fulvo præciosa metallo,
 Hic bona non ullo sunt minnenda modo.
 Omnium felix, omni & præciosior auro,
 Si vigeat veri cognitione Dei.*

NARRATIO HISTORICA, DE MARTINI FOR- BISSERI

Angli, navigatione, in regiones occi-
dentis & septentrionis, Anno c15. 15. LXXVII.
suscepta,

Prima pars.

I.



UM MULTI PRÆSTANTES Hujus ATA-
tis viri, jamdudum in eo elaborârint, ut re-
giones mundi, & terras antea incognitas & di-
uturna ignorantia abstrusas, inquirerent, pa-
tescacerent & detegerent: & iis inquirendis,
parefaciendisque laudem singularem acqui-
rerent, & memoriæ posteritatis suum nomen proderent: tum
in primis, his proximis annis, Martinus Forbisserus, in horum
numerus relatus, summa laude & prædicatione dignus est.
Is enim Capitaneus Anglus, naturæ dotibus egregiis & animi
præstantia ac robore singulari præditus, cum eadem opera
non modò patriæ prodesse, sed & sibi gloriam comparare de-
sideraret: constituit anno O. R. c15 15 LXXVII. navigatio-
nem suscipere, versus mundi regiones maximè boreales, in
quibus nulladum hominum, qui illuc penetrascent, vestigia
impressa essent,

2. Principiò itaque iter ad Catainam & alias terras ac
regiones finitimas, navigando versus occidentem & septen-
trio-

trionem perquirere & aperire decrevit: qui cursus (quantum conjecturis assequi licet) est juxta latus America septentrionale & occidentale, inter eorum & apertiam ventos excurrens. Aiebat autem, Americam esse insulam, in quam nostri mercatores, occasionem haberent navigandi, secundum litus nostrum, quod maximè omnium Europæorum septentrionale est, ad negotia & mercaturam, in Asia regionibus, brevi temporis spacio, majore emolumento, minoreque sumtu, quàm ex aliis regionibus, obeundam exercendamque.

3. Præfectus itaque noster Forbisserus, superiore anno CIO IO LXXVI, consilium suum ac decretum, non sine summo vitæ ac salutis periculo, eductis secum duobus myoparionibus, in effectum deducere constituit: sed primis ejus ceptis fortuna defuit, quod nimis intempestivè & tardè, alienissimoque tempore, ad destinatum locum pervenisset. Jam enim frigore, glacie & pruina (quæ summa in illos locis, asperissimaque sunt) omnia ceperant peruri, aded ut re infecta, eò unde venerat, reverti coactus sit: unum illud adeptus, ut iter aperiret patefaceretque, quò postea audacius, & majore cum confidentia, tam peregrinam & barbaram oram adire posset. Prima tamen ista navigatione, quinque ex suis comitibus amisit.

4. Ille igitur incepti perficiendi, & id quod semel suscepisset, ad exitum deducendi cupidus: reginam Angliæ instruit, quanto cum emolumento & commodo, suorum subditorum negotiatio, mercatura & commercia, in illis regionibus exerceri possent: multa que dixit de modo & ratione, qua ad optata pervenire posset: commemoravitque ingentes fructus, quos inde haurire & consequi liceret. Regina itaque, cum certius, an res ita se haberet, explorare cuperet: præfecto navem centum & octoginta dolioreum capacem, duoque parva aphracta, com meatu & aliis rebus necessariis in semestrem instructa, procuravit: additis epibatis centum & quadraginta

NAVIGATIO

3
tam nobilibus, quam propugnatoribus & remigibus, qui præfectum comitarentur; mandavitque ut priorem cursum relegerent, & ulterius, quam antea fecissent, progredierentur.

5. Nos igitur mandatum Reginæ secuti, è Blakevalle (distante duabus leucis aut circiter Londino) d. XXVI. Maij. Anno clō lō LXXVII solvimus: ancorasque iecimus in portu Harvvickio; ubi ea, quæ ad nostras naves instruendas necessaria videbantur, comparavimus.

6. Ad ultimam dicti mensis diem, cum ancoras subduxissemus, & in tutelam Dei Opr. Max. nos commendassemus: vela ventis dedimus. Iraqueleni vento & secundo velificantes, remos inhibuimus circa insulas Orcades, vulgò appellatas Orkney, quæ numero triginta; Scotiæ adjacent; illicque aqua recente naves nostras oneravimus. Noster præfectus, nobilibus & militibus tuis, è nave egrediendi & se recolligendi potestatem dedit. Sed quamprimum nos incolæ illarum insularum conspexerunt; in fugam effusi, tuguriisque suis & casulis derelictis, ad arma conclamare, & cæteros, ut in hostium adventu, excitare cæperunt. Verum nos tum nutibus, tum amicis significationibus id effecimus, ut ad sua mapalia redirent. Hic tantus pavor, tantaque consternatio, quam illis noster adventus attulit, argumento mihi fuit, miseros illos homines, à piratis & maritimis prædonibus, qui eos in fugam compullos, sedes suas relinquere cogant, frequenter infestari.

7. Ædificia illorum & domicilia, valdè ruditer & nullo propemodum sumtu, è silice & sine ullius sumariis exstructa sunt. Ignem in mediis ædibus excitant: in quarum una parte paterfamilias, cum totâ familia cibum & somnum capit: in altera, sub eodem tecto pecus stabulatur. Genus est hominum, ab omni civili cultu alienum. Lignis carent, sed eorum usum explent, cespites terreni & boum excrementum. Aliquid

quid leguminis, frumenti, avenæ habent: quarum rerum vestræ regi pendunt. Præcipuè verò piscatus exercent. Est enim in hac insula magna vis & copia piscium, quos ad solem & ventum exsiccatos induratosque reponunt. Cibos perquam sordide paratos, sine sale comedunt. Habitus & vestitus, planè rusticano more, ad similitudinem Scotorum rusticorum est comparatus. Nummos viles & nullius precii possident. Religione nihil à Scotis differunt: habentque templa illorum templis simillima. Sed quoniam piscatores Anglicani, & ii qui in Islandia piscaturam exercent, horum mores vivendi que rationem melius depingere possunt quam ego, illis ipsis hæc describenda relinquo.

8. Postquam ex hoc portu egressi sumus (quid factum est d. VIII. Junij,) cursum perpetuò tenuimus inter Corum & Aparctiam, usque ad, III. Julij. Quo toto temporis spacio, tam raræ noctium tenebræ fuerunt, ut ne obscurissima quidem earum noctium impedire potuerit: quò minus & libros legere & tempus fallere pro suo libitu quisque nostrum potuerit. Quæ commoditas in tam longinquo itinere, tamque spatiolo & amplo mari navigantibus non parva est: præcipuè verò cum venti ab omni parte ingruunt, & undæ spumantes ultra solitum instantur. Veruntamen hoc beneficium tam illustis noctis, non durat ultra sex hebdomadas in illis locis: nimirum tum duntaxat, cum Sol Tropico Cancrî vicinus est. Verum ubi poli exaltatio est septuaginta aut octoginta graduum, ibi diutius durat.

9. Cum jam itine sex dierum ab Orcadibus abessemus, toto illo mense, sine intermissione ingentes & proceras abietes, quæ maris undis agitantur, & sine controversia ingentium torrentiū impetu evulsæ, & in mare præcipitatæ erant, obvias habuimus. Islandi nulla alia materia ad calefaciendum utuntur, eamque in litore suo colligunt: crediderimque has arbo-

arbores é novo orbe deferri æstu maris, qui à Favonio in Subsolanum reciprocando excurrit.

10. Ad IIII. diem Julij ad Frieslandiam appulsi, ingentes glaciæ infulas vidimus, quæ X. aut XII. leucis seu dimidiatis totidem Germanicis milliaribus, à nostri littoris latere abesse nobis videbantur: quarum quædam longitudine dimidia leuca, quædam plus minusque se extendebant, quantum conjectura assequi poteramus, oculorum enim sensus, eas vix XXX. aut XL. orgyas æquare judicabat. Certi verò de his nihil affirmare licet, præsertim cum in isto loco, maris profunditas tanta sit, ut nulli usui nobis bolis fuerit.

11. Nos quidem speraveramus fore, ut in his locis fragrantissimorum succorum, & liquorum suavissimo odore reficeremur, & avium dulcissimo cantu demulceremur, sicut in aliis regionibus & locis accidit, quæ sub temperatiore zona sunt. Sed spes nostra nos longè fefellit. Nam etsi mense Junio & Julio in has oras penetraveramus, tempestas tamen adedò aspera & difficilis fuit, ut vix asperiores difficilioremque navigantibus accidere posse existimem. Diversi enim, iisque asperrimi Boreæ flatus, grandine & nive commixti, usque adedò nos oppugnarunt, ut crederemus naturam rerum eversum & terræ coelum mixtum iri: & ut paucis complectar, videbatur nobis ætas subita commutatione in hyemem conversa: quod, scio, incredibile propemodum & ἀπίστον videbitur illis, qui cogitant alias regiones Septentrioni proximiores (quales sunt quæ sub LXX. gradu jacent) multo esse temperatiores, quam ista sit, ubi polixaltatio non excedit sexagesimum primum gradum. Glacies toto isto latere durat & perennat, non aliter quam vallum aut murus continuus, ut caratione propugnaculi vicem illi regioni præbeat, & eum qui accedere velit, summum vitæ discrimen adire cogat. Præfectus noster triduum integrum, instructis navibus, periclitatus

tus est, an ad terram appellere posset: sed cum animadvertet, nulla ratione se voti sui compotem fieri posse, coactus est infecta re discedere & suum conatum in aliud commodius tempus differre.

12. Sunt præterea in tota illa acta excelsissimi montes, perpetua nive coniecti, exceptis quibusdam jugis, quorum vertex adeo sunt acuminati, ut in his nives hære non possint, sed impetu & violentia ventorum impulsæ, ad terram deferantur.

13. Præterlegimus illud littus ita integro quatrinduo, ut nullum indicium aut vestigium appareret, quo ex colligere possemus terram istam habitari. Vidimus quidem aviculas aliquas, quæ propter tenebras & nebulas densas, quibus ista regio obnoxia maximè est, à terra aberrantes, in nostra navigia inciderunt. Unde conjecturam fecimus, terram illam habitabilem, & interius amœniorem ac mitiorem esse, quam foris prima fronte promitteret.

14. Ex eo loco solvimus a, d. VIII. mensis Julij. Ad diem XVI. animadvertimus terram, quam præfectus noster à prima sua navigatione vocaverat *Der Königin Vorland* / hoc est, primam Reginae terram. Insula est, ut existimamus, proxima continenti subjunctæ, quam Americam vocant, & ex altero latere opposita insulæ, quam nostræ navis magister, insulam Hasleam vocabat, quæ valdè vicina est continenti Asiæ. Inter has duas insulas fretum est, à præfecto Forbissero strictum cognominatum, per quod (ut opinio fert) navigare licet, in mare Australe, quod vulgò *del Sur* dicitur: cû id nondum exploratum est.

15. Neque verò unquam adduci possum, ut credam ullam aëris temperiem, tantam sub isto coelo esse, quam diu sol per Septentrionalia signa incedit (quod spacium est dimidii anni & unius diei) quæ tam vastos & immanes glaciæ aggre-

res (quos rectè excelsis & monstrosis montibus comparare possis) rumpere & dissolvere queat, & inde has ingentes quadras detrahat, quæ, ita ut dictum est, in mari fluctuant: præsertim cum maxima solis altitudo non excedat viginti tres gradus & triginta scrupula prima. Potius itaque crediderim, aliunde id accidere, nimirum aut ab impetu & vialiquorum torrentium, aut minimum à violentia æstuum marinorum variè reciprocantium. Sed ut rem in pauca conferam, tanta frigora sensimus, priusquam istam terram attingeremus, ut nisi longitudo dierum aliud nos docuisset, uno momento & ictu oculi, in rigidissimam asperissimamque hyemem nobis delati videremur.

16. Verùm id nos omnium maximè attonitos habuit, quòd primo nostro adventu, ex omnibus partibus nihil nisi arduas & densas glacies conspiciere potuimus, ita ut primo aspectu aliud suspicari non possemus, quam freta ista ingenti glacierum muro munita & conclusa esse: quæ res animos nostros ad desperationem propemodum adegit. Sed præfectus noster animi magni & fortis vir, cum in eas regiones penetrare, & Deo benè juvante, iter hoc patefacere, licet omnia pericula sibi proposita sciret, omnino decrevisset: adeò militum suorum animos erexit & incendit, ut quàm ipse pro Reginæ servitio & patriæ emolumento ad audendum paratus esset, tam promptos alacresque ad sequendum eos redderet. Itaque cum duobus myoparonibus, quos secum ea de causa adduxerat, bis secundum littus orientis & insularum adjacentium, ulro citroque trajecit. Interea navis & duo aphractæ, ne à glacie ipsis periculum esset, in alro se tenebant.

17. Interim dum præfectus noster terram illam inquireret, & ripæ appropinquaret, aliqui ejus regionis incolæ, conspiciendos se nobis exhibuerunt, saltantes & cum clamore ineptisquæ gestulationibus tripudiantes, quæ nos admiratione

tione suspensos tenuerunt. Præfectus nihil non tentavit, omnemque lapidem movit, ut eos ad se alliceret, omnis generis blanditiis demulso: donaque obtulit illis, cultellos & alias ejusmodi nugas ac apinas tricasque. Verum tam suspicaces, cauti & versuti erant, ut nihil é manu nostra accipere vellent, signisque quibusdam demonstrarent, ut si quæ illis donare vellemus, in terram exponeremus. Quod cum fecissemus, dona nostra accipiebant, & loco permutationis aliquid contra suarum rerum relinquebant: alia ratione, nullam nobis fidem habituri erant.

18. Tandem duo ex illis, positis armis, contra præfectum veniebant, qui vicissim ad illos properavit, suisque ferò mandavit, ne se commoverent: statimque omnibus amicitiae & benevolentiae signis, rectà ad eos ire perrexit, id agens ut alterum ex illis in suam potestatem adduceret. Sed illi nullo modo cum expectare sustinuerunt, seseque celerrimè in fugam conjicientes, resumptos arcus sinuare, & in præfectum sagittas emittere coeperunt, nullo metu nostrorum, qui ad eos terrendos præstò erant. Veruntamen etsi sedulo sibi caverent, duos tamen ex illis cepimus, quorum alter nobis elapsus est, alter captivus permanfit: ex reliquis verò plurimi vulnerati sunt.

19. Illi, quos præfectus noster, ad præsidium & tutelam, nostræ navis & duorum aphractorum reliquerat, interea dum is regionem illam & insulas à latere ripæ orientalis adjacentes inquirat: à procellis & impetu maris ita oppugnati fuerunt, ut vix evaserint, timuerintque, ne in altum delati, præfectum nostrum, qui parum commeatus secum habebat, é conspectu dimitterent. Quod ne ipsis accideret, tempestatem ingentem, quæ circa mediam noctem illis supervenit, & furiosam oppugnationem, qua à glaciibus vastis & ingentibus oppugnabantur, magno animo sustinuerunt: adjuti noctis

NAVIGATIO

claritate, quæ hoc tempore perpetua erat: & industria dexteritateque præfecti tormentis, qui artis nauticæ peritisissimus erat.

20. Postridie (qui erat XIX. Julij,) præfectus ad nos cum læto nuntio rediit. Affirmabat enim, ingentes opes post illos steriles & desertos montes latere. Spēs igitur illa, quæ tam immensos auri thesauros jam planè devoraveramus, ingentem nobis lætitiæ attulit; omnemque sensum malorum & laborum, quos perpessi eramus, ex animo nostro delevit: metumque ac cogitationem periculorum, quæ præterita nocte adieramus, ademit. Nihil igitur aliud spectabamus, quam ut angore & animi tristitia omiſſa abjectaque, quàm primùm sitim auri expleremus, & cupiditati nostræ infinitæ, quocunque modo satisfaceremus, vix tantas spes animo capientes, existimantesque vix fieri posse, ut tantum desiderium nostrum, ulla auri quantumvis divite vena, satiari posset.

21. Quatriduo post nostrum, ad fauces & angustias ejus transitus appulsum, Zephyrus & Corus, glacies hinc inde dispergentes, aditum & transitum nobis ampliorem latioreque effecerunt, ita ut ad XIX. diem dicti mensis, sine ullo impedimento ingressi simus. Sequenti die, cum præfectus noster lato occidentale, bolide demissa exploraret, amœnum locum pro nave & duobus aphractis, quæ adductæ erant, & ad permanendum in anchoris idoneum & tutum deprehendit. Omnes igitur vivi & sani appulimus, uno excepto, qui morbo consumtus est. Hanc stationem appellavimus Jacmans Sonde, hoc est fauces Jacmanni. Sunda enim vocabulum est angustas maris fauces indicans.

22. In summa, qui in has regiones navigare velit, is secum ita rationem subducat, ut cogitet, non solum per ventorum asperimos & impetuosos turbines & maris fremitus terribicos: sed etiam per insulas plurimas & montes glacie concretos, planèque horrendos visu, sibi navigandum esse.

23. In-

23. Interea dum in illa acta naves nostræ in ancoris stabant, observare eas diligenter cogebamur, & perpetuò contris, longuriis & remis machinisque ingeniosis amoliri & depellere magnos cumulos glacierum, quæ in frusta prægrandia & quadras ingentes divisæ, hinc inde secundum æstus maris, contra nostras naves, non sine periculo fluctuabant.

24. Præfectus noster, cum diligenter perlustrasset & obisset terram illam, quæ Americæ subjecta continens est, nihilque votis & optatis suis dignum reperisset, abiit cum duobus aphractis parvis, versus marginem orientalem, quæ continens est, Asiæ subjecta & vicina: ibique navem, quoad ipsi commodum videretur, reliquit.

25. Lapides illius continentis versus Americam, radiis solis percussi, ita lucent & scintillant, ut aurei videri possint. Sed hic quoque verum, deprehendimus esse vulgatum proverbium, quo dicitur: non omnia esse aurea, quæ auri colore luceant. Nam spe nostra frustrati, invenimus pro thesauro lapides splendentes.

26. In hac ripa occidentali invenimus piscem mortuum, qui undis maris agitabatur, & in rostro unicum cornu rectum gerebat, longitudine unius ulnæ cum semisse. Cornu autem intus cavum erat, & superiore parte fractum. Quidam ex nostris injecerunt in id araneas, quæ è vestigio moriebantur. Itaque nobis videbatur esse monoceros marinus. Et sanè experti postea sumus, easdem vires & qualitates habere, quas monocerotis cornu habere dicitur.

27. Posteaquam præfectus noster, idoneam stationem pro navibus invenisset, & auri tantum quantum volebat collegisset: misit nostrum magistrum cum aphracto, ut navem adduceret. Cumq; bolide exploraret locum, quem invenerat cum oram occidentalem legeret, animadvertit procul, duo tentoriola, pellibus balenarum tecta, in eoq; paucos ho-

mines: qui quàm primùm nos conspexerunt, in fugam effusi, in montes se præcipientes contulerunt. Itaque magister navis nostræ, ad tentoria illa perrexit, & cum in his aliquot cultellos, tintinnabula, specula & alias ejus generis apinas reliquisset, discessit relictis omnibus rebus, quas ibi invenisset, excepto uno cane, quem secum ad navem abduxit.

28. Eodem die, consilio habito, constituimus omnia experiri, ut barbaros istos mitigaremus & ad nos alliceremus: aut ad minus aliquos exciperemus, ut ex iis, si fieri posset, cognosceremus quid nostris hominibus factum esset, quos superiore anno amissemus.

29. Cum ejus rei gratia, ad eum locum, ubi tentoria vidimus, accessissemus, animadvertimus eos tentoria loco movisse, & ad litus in angulum, qui in mare excurrebat, transtulisse: ut si aliqui, qui se persequerentur, supervenissent, in navigiola sua se conjicere & fuga salutem consulere possent. Quo animadverso, nostros in duas cohortes divisimus, & circumdato monte, in quem se contulerunt, cum impetu in eos irruimus. Verùm quàm primùm nos ipsis visus sumus, rectà ad navigia sua, maxima parte remorum relicta, confugerunt: cumque naves essent ingressi, enavigarunt totum illud litus, ubi nostri myoparones illos consecuti, ut in terram se præciperent, coegerunt: quod sanè non fecissent, si illis omnium remorum suorum copia fuisset, & frustra tempus in illis persequendis consumsissemus.

30. Quamprimum in litus exscenderunt, furioso impetu cum arcibus & sagittis suis, in nostros irruerunt: sed nos nostris telis complures illorum sauciavimus. Cum igitur se vulnerari cernerent, ex alto se in subjectum mare præcipientes dederunt & se submerserunt, nihil nisi hostile de nobis timentes: cum nos salutem potius illorum nobis propositam haberemus, si modò nostræ fidei se credere voluissent. Sed, ut
gens

gens omnis civilitatis & humanitatis experta, & misericordiae in extremis periculis ingnara, remedium à morte petebat, seque immitibus maris undis submergere, quàm in nostram misericordiam confugere malebat. Alii cum viderent, quoniam res suorum sociorum recidissent, statim montes occuparunt. Duæ tamen mulieres, cum fuga elabi non possent, loco vestigialis remanserunt: una propter senectutem, altera propter onus infantis quem gestabat. Ista vetula tam deformis & turpis erat, ut nobis horrorem incuteret, suspicabanturque nostri homines, eam esse veneficam, quæ causa fuit, ut illa dimissa, juniorem cum infante retineremus. Hunc locum appellavimus *Blondi ponit*, hoc est, angulum sanguinis.

31. Verum enimverò, cum cognovissemus barbarorum istorum furias & crudelitatem, & quod nulla amicitia illos nobis adungere possemus: constituimus, inviti & præter voluntatem nostram, deinceps severius cum illis agerere: ideoque reversi, omnia vastavimus, quæ in ipsorum tentoriis erant, statimque nos in nostras naves recepimus.

32. Divitiæ ipsorum, nec in auro, nec in argento, nec in gemmis, nec in tapetibus consistunt. Lintres habent pellibus balenarum & cervorum tectas. Canes ipsorum similes lupis sunt: nisi quod omnes ferè nigri sunt. Habent & aliam suppellectilem, sed quam curare operæ precium non sit.

33. Tandem cum in isto occidentali latere, quod America subjectum & continuum est, ferè quindecim dies in ancoris stetissemus: tertio die Augusti discessimus, & quarto ejusdem, hostrum præfectum in littore orientali invenimus: ibique bolide missa terram invenimus, quam Annam Warvickan à nomine Comitissæ appellavimus.

34. Nostro præfecto placuit, in hac insula, naves & duo aphracta onerari, lapidibus mineralibus quos invenisset: ut hoc

NAVIGATIO

3

hoc, quasi symbolum primæ & secundæ navigationis solveret, eosque, qui vitam suam in hac expeditione periclitati essent, pro meritis suis remuneraretur. Tot laboribus exhaustis, divino beneficio, incidimus tandem in auri tantam copiam, tantumque thesaurum, ut imitati diligentiam nostri præfecti, à primo die Augusti, ad XXII invenerimus & terrestri itinere adduxerimus, ducenta dolia, quas Tonnas vocant, existimantes, hoc pondus satis esse, ad navem nostram & duo aphracta oneranda: sperantesque fore, ut Deo benè fortunante, & Régia Majestate permittente, in posterum plus lucri faceremus, ex tali beneficio, quod regionis illius septentrionalis viscera, quæ hucusque incognita & abstrusa erant, nobis pollicerentur.

35. Interea dum commoramur in illa insula, aliqui regionis illius incolæ, alio atque alio tempore, secundum littus, sed è longinquo se nobis conspiciendos dabant. Noster itaque præfectus, cupidus cognoscendi, quid cum illis, quos in prima navigatione amisisset, actum esset: sumtis secum paucis, quorum præsidio uteretur, ad eos perrexit, & per signa, quid sibi vellet, ostendit. Illi quoque ipsi, primo adventu, signis quibusdam nobis indicabant, tres de quinque illis nostris adhuc vivere, & se petere atramentum & papyrum, quæ ad illos deferrent: se intra triduum aut quatrimum redituros; nos verò credebamus, fore ut eos quoque secum adducerent. Significaverunt etiam nobis, se Regem habere, qui vocaretur Cacoughe, qui à servis succollantibus gestaretur: hominem esse quadratum & robustum, qui quæ longitudine & crassitie, longissimum robustissimumque quemvis è nobis excederet.

36. Nos itaque papyri folium, atramentum & calamos illis dedimus: quæ tamen de nostris manibus accipere noluerunt: sed in terram poni iussa, nobis discedentibus sustulerunt. Idem perpetuò sciebant cum aliquid cum ipsis permutare vole-

volebamus, relinquentes tot res de suis, quot nobis in compensationem earum, quas à nobis acceperant, dare volebant. Quæ res argumento nobis fuit, illos commercia agitare cum aliquibus populis vicinis, aut ab ipsorum regione hos non procul esse distitos. Quattiduo post, aliquot ex barbaris reversi sunt, sed non eodem loco quo illos vidimus: quæ res, principio nostrum præfectum summa lætitia affectit, quum speraret fore ut hac vice aliquid de suis audiret. Itaque sumto navigio & sociis, aliquot, ad eos perrexit. Illi quam primum præfectum conspicati sunt, in gaudium effusi, signo dato monuerunt, ut ad angulum quendam insulæ illius appelleret, in quo in insidiis ingentem suorum turbam collocarant. Noster verò præfectus dolo intellecto, noluit diutius ibi hære, signoque illis dato ad suam navem reversus est.

37. Cum aliquando præfectus noster littus illius regionis cum duobus myoparonibus legeret, ea de causa, ut in reditu res suas melius & tutius disponere posset: accidit ut conspiceret eminus tres candidos, qui tamen non minus astuti erant quàm nigri ipsorum locii: innuentes nobis ut ad se accederemus. Præfectus noster perpetuò sperans, aliquid se posse de suis cognoscere, appropinquavit littori, sed animadvertit majorem numerum eorum esse, quam aliàs fuisset, qui se post cautes & colles occultarent. Hi tres plani, qui personam impostorum egregiè sustinere noverant, omnibus modis id agebant, ut nos é nave gressos ad se allicerent. Cum autem nos non moveremus, nec blando vel vultu vel sermone illos exciperemus, diligentius nobis innuere ceperunt, simulantesque se nobis esse amicos, tres se solos & inermes esse monstrabant. Cum verò cernerent hæc omnia se frustra tentare, unus ex illis nobis obtulit carnem, quam posuit in ora littoris, existimans, se hoc bolo nos allecturum & persuasurum, ut in-

terram egrederemur, ut exinde nos comprehensos, cibum suum facerent. Sed hanc illorum astutiam facile subodorati; uncum illis projecimus, cui infixerunt carnem, eamque ad nos pertractam, obtulimus viro & mulieri. quiesceperamus: qui cibus, quoniam nostræ vivendi rationi nondum assueti erant, illis valde gratus accidit. Sic barbari isti, quanquam se valde callidos & astutos existimarent, sua tamen spe & opinione frustrati sunt.

38. Verum enimverò, his minimè contenti; accidit ut unus eorum, qui se claudum & elumbem simulabat, littori paulatim appropinquaret, & quasi se pedibus sustinere non posset, sicubi iter impeditum aut difficile erat, socii humeris se injiceret. Tandem cum ad littus venisset, & in terra condisset, socii ipsius, ipso solo illic relicto, abierunt, existimantes fore, ut nos ad eum capiendum veniremus. Sed præfectus noster, qui facile intelligebat, quid monstri hic aleretur, iussit, quendam ex militibus, glandem é bombardâ, versus hunc barbarum mittere: quo facto, cum arena & glarea in illius oculos insilirent, in momento in pedes se coniecit, & instar vertagii, ne expectatis quidem sociis, qui sibi suppetias ferrent, oisimè se eripuit, & ad suos se contulit: qui cum se occulassent, eodem momento, cum arcubus, sagittis, telis & fundis, in apertum se dederunt. Noster præfectus, quadraginta circiter glandes, é tormentis manuariis mitti iussit, quibus complures vulnerati sunt. Atq; hæc unica ratio est, eos in posterum in metu continendi, quando quidem benevolentia adungi non possunt.

39. Hoc totum est, quod de nostris sociis, perquirere potuimus, & hoc responsum est, quod ad litteras suas, præfectus noster accepit. Sed ex his callidis & malitiosis technis, facile intelligi potest, quæ natura sit horum barbarorum, quos totities periclitati sumus. Existimamus autem has technas, illos

usus.

usurpasse idèò, ut recipere per eas possent, suos populares, quos ceperamus.

Secunda pars.

MORES, VITA, VICTVS,
habitus, horum populorum.

BArbari isti, qui in illa regione habitant, sunt valdè magno corpore, bonæ proportionis, colore adusto & simili nostrorum rusticorum, qui ut vitam sustentent & victum comparent, in locis ardori solis expositis perpetuò laborant.

1. Capillos ferunt satis longos, & in extremo eos radunt lapide acuto aut instrumento instar cultri facto. Mulieres prolixos crines alunt & duobus nodis laxis constringunt, qui illis in oculos incumbunt, secundum bina tempora: quod reliquum est, nodo adstrictum, in cervicem rejiciunt. Quædam ex his, acicula cutem scarificant, lacerantque mentum, frontem & exteriorem manuum cutem, postea colorem certum cæruleum, qui diu in his cicatricibus durat, superinducunt.

7. Cibo suo, vel carniū vel piscium, crudo utuntur: nisi quod aliquando sanguine & pauca aqua, (qua postea propotui utuntur) coctum comedunt. Inopia aquæ utuntur glacie, quæ æquè dura est ac lapis, qua tamen ita delectantur ac si saccarum esset.

4. Deficientibus aliis cibis, manibus herbas regionis, in qua degunt, evellunt, easque devorant, non quidem delicatè apparatus, acetarii instar, ad acuendum excitandumque lan-

guentem stomachum: sed sine sale, oleo & aceto, & illotas: easque prorsus ut bestia rationis expertes ad sedandam famem devorant. Nullus illis usus mensarum, scamnorum, sedilium, aut mapparum. Vice mantilium ad extergendos digitos lingua utuntur.

5. Canes ipsorum, ut diximus, lupos referunt, quos sub jugum missos aut numellis inclusos (ut apud nos boves aut equos helciarios) & trahæ junctos, onera rerum sibi necessariarum supra glaciem vehere cogunt: cumque nullus eorum amplius usus est, eos maciant & devorant.

6. Vestes gestant ex pellibus ferarum quas occiderunt, confutas ex earundem nervis vice fili. Omnibus feris, quas capiunt, pelles detrahunt, ex quibus conficiunt certum genus vestis, quo hyemis rigorem & frigus, quod illis ferè perpetuum est, arcant.

7. In vestitu suo gestant capitium seu cucullum & caudam, quæ illis inter pedes dependet, quam ei donant, cui gratificari, aut singularem amicitia & benevolentia significationem dare volunt.

8. Non solum viri, sed & foeminae gestant femoralia angusta & stricta, quæ integra & sine ulla partis anterioris scissura, à medio corpore seu lumbis ad genua usque se porrigunt. Tibialia verò ex pellibus pilosis constant, quarum pilos ad pedes intrò vertunt: & bina aut terna paria conduplicata gestant, præcipuè foeminae. His caligis recondunt cultros si quos habent, acus item, aciculas & alias nugas quæ illis usui esse possunt. Os quoddam prælongum tibialibus immittunt, quod illis à calce ad genua porrigitur, ad quod extendunt tibialia, & ea affigunt uncino, qui in summo ossis est, quo utuntur loco periscelidum, ne tibialia decidere queant.

9. Magna solertia pelles cum pilis parare sciunt, quas & plicatiles reddunt. Hyeme pilos intrò ad pedem: æstate toras.

foras vertunt: neutro tempore aliis quàm pelliceis istis vestibus utuntur.

10. Feris, piscibus & animalibus, quæ in venatu capiunt, pro cibo, potu, vestitu, ædibus, lectis, caligis, calceis, filis, velis navium, & aliis rebus necessariis utuntur: in summa, omnes divitiæ ipsorum in his rebus consistunt.

11. Habitant in tentoriis ex pellibus balenarum factis, quæ quaternis ramis abiegnis quadratis & in summo instar capreolorum fastigiatis & conjunctis, ceu tigillis sustinentur. Pelles ipsæ, quæ illis abiegnis tigillis injiciuntur, nervis consutæ sunt. Portæ seu ingressus tentoriorum, semper versus meridiem aut solem spectant.

12. Habent & aliud genus tentoriorum, quod ex una pelle factum est ad arcendas pluvias, erectum lapidibus aut ossibus balenarum. Horum ostia similia sunt præfurniis: sed cum in his tentoriis non habitent, existimo eos his uti ad itegendum se, cum piscatum aut venatum exercent, eaque illic relinquunt quoad necessitas postulat.

13. Armæ illis sunt arcus, sagittæ, tela, fundæ. Arcus ligneos habent longitudine ulnæ, quos nervis exterius vinciunt firmissimè, sed sine glutinò. Chordæ arcuum item ex nervis sunt; sagittæ ex tribus partibus constant, nec duos quadrantes longitudinis habent. pennisque duabus alaræ & ossibus inferiore ac superiore parte armatæ sunt. Tres differentes cuspides jaculis suis præfigunt: quarum una est lapidea aut ferrea, cordis figurâ; altera ossea, cuspidè hamatâ; tertia etiâ ossea, sed anceps & utrinque acuta. Veruntamen nisi propinquò emittantur, graviter accidere non possunt. Duorum generum habent jacula: quorum unum in summo habet multas osseas furculas, sicut & in medio, habentque certum quoddam genus instrumenti, quo illas vibrant & emittunt dexterimè; alterum est multò majus & fortius, habetque os anceps, quod

quod utrinque incidit instar gladii; existimoque hoc illorum nocentissimum telum esse.

14. Duſum generum naves habent; unum corio inteſtum, & multoſ ligneos circulos intus habens, valde affabre factum eſt. Ejus generis, unumquodque poteſt capere XVI aut XVII homines. Vela bene tenuia & conſuta ſunt, ex viſceribus animalium quæ occiderunt. Alterum factum eſt inſtar radii textoris: quod unius tantum hominis capax eſt, unoque tantum remo indiget.

15. Prædictis instrumentis & machinis, utuntur in piſcatu, venatu & feris capiendis: ſed de ratione & modo utendi, nihil certi affirmare poſſum.

16. Non exiſtimo ordinariam illis ſedem & domicilium in his locis eſſe, ad quorum frigora repellenda, ædificia iſta & veſtitus ejusmodi non ſufficerent. Adhæc in eo loco, ubi caſulas iſtas vel potius vulpium latibula vidimus, nullum veſtigium ſemitæ aut tritæ viæ apparuit, aut ullum aliud indicium, quo colligi poſſit, an habitaretur illa regio, an minus. Et ſanè videntur mihi, cum in æſtate piſcationem aut venationem exercent, illa abſoluta, uno in loco, mutare ſua tentoria & in alium locum transferre; cumque tantum victus, quantum hyemi tranſigendæ ſufficit, acquiſiverunt: redire in eum locum, ubi ſuas ſedes habent: idque ſterilitas terræ me credere facit.

17. Ferrum quoddam habent, quo jaculorum culpidēs fabricant, item parvos cultros, & alia utenſilia & inſtrumenta, ad laborandum in ſuis navibus, quæ tamen ſunt inhabilia, & tractatu difficilia, atque ad uſum inepta.

18. Credo, illos commercium exercere, cum aliquibus populis, cum quibus, pro ea re qua abundant, ipſi ferrum permutando accipiant. Valde delectantur, rebus ſplendentibus & tinnientibus,

19. Qualem religionem colant, quam Dei cognitionem habeant, aut quædola adorent; pro certò dicere non possumus. Credo illos anthropophagos esse, hoc est, vesci carne humana. Vescuntur quoque morticinis & piscibus mortuis, etiam si foetorem cadaverum referant.

20. Nulla bestia aut reptile venenatum aut noxium hic reperitur, exceptis quibusdam araneis: quod multi, pro signo auriferæ regionis habent. Verum, muscas quasdam parvas, alit illa regio, quorum morsus tam acer est, ut locus ab ipsis admorsus, in continenti intumescat.

21. Innuebant nobis signis quibusdam, sibi vicinos esse aliquos populos, qui in fronte & aliis corporis partibus, lamine auro splendentès ferant.

22. Regio hæc angusta & in utroque latere valdè est excelsa, suntque ibi montes & rupes, nivibus profundissimis tectæ. Parum herbarum, quæ muscum arborum referunt, producit, nulla ibi ligna sunt. Et ut in pauca conferam, nihil hic crevit, ne radicum quidem, aut aliarum rerum, quæ aliis, quàm ipsis qui ibi nati sunt, utiles esse possint. Sunt quidem ibi cervi multi numero, quorum pellis, asinis nostris similis est: caput verò & cornua, longè excedunt magnitudinem eam, quæ in nostris cervis cernitur. pedes eorum, magnitudine æquant pedes nostrorum boum, suntque crassitie octo pollicum. Sunt etiam ibi lepores, lupi, ursi marini, & omnis generis feræ.

23. Sicut autem regio sterilis est, ita & homines stupidi, hardi & sine omni ingenio sunt. In terra colenda & tractanda se non exercent, sed contenti sunt rebus, quas ea sponte reproducit. Venatione vivunt, & ferarum carne cruda vescuntur. Potus est illis, sanguis ferarum calidus, nec aliud illis curæ est, quàm ut ventrem expleant: in eoque uno sita est, ipsorum felicitas & summum bonum.

24. Ex

24. Ex multis conjecturis apparet, sæpè magna fulmina incidere, & terræ motus fieri in hac regione. Apparent enim saxa montium & rupium loco motarum & hinc inde dispersarum disjectarumque, miris & præternaturalibus modis: id quod, ut ego existimo, violento terræ motu accidit.

25. Nulli fluvii, nullæ ducis aquæ scaturigines, in hac regione apparent: excepta aqua ex nive liquefacta & solis vi ac calore resoluta, qualis in æstate ferè esse solet: alterius aquæ nullum vestigium apparet. Imo diligentius consideranti non videtur ibi aqua aliqua esse posse. Nam violentia frigoris, quæ in his regionibus quovis tempore summa est, ita concludit terram, ut scaturigo aquarum erumpere nulla possit, sicut aliis in locis contingit, ubi scaturigines ille in rivulos abeunt, qui levi murmure per saxa & crepidines in superficie terræ decurrunt. Quin illa quoque æstiva aqua, ex nivibus liquefactis de montibus destillans, posteaquam in terram se diffudit, uno in loco collecta stagnum efficit, quod tamen statim à terra absorbetur. Cujus rei unica causa est glacies illa, quæ his in locis tam densa est, ut ubi siccior terra apparet, ibi ea interius usque ad quatuor aut quinque orgyas glacie concreta depræhendatur: quin & saxa cum glacie tam arctè cohærent, media etiam æstate, ut nullo modo, nullaque vi divelli possint.

26. Illud itaque efficitur, ut per causas jam commemoratas, cursus & scaturigines aquarum impediti, quò minus è terra emergere possint, aliò cogantur se vertere, perque venas suas redire, ut in mare exeant, propter summum illud frigus, quod tamen calori in terra contento incrementum præbet, ut ad alenda omnis generis metal-

la sufficiat.

Tertia pars.

REDITVS DOMVM.

I.

Postquam navigia nostra, divitè illa vena nuper inventa oneravimus, constituimus relicta illa regione domum redire. Solvimusigitur oram ad quartum diem Augusti, læti ac gaudio ob rem tam prosperè gestam exilientes. Hæc enim summa nostri desiderii erat, certò illam regionem cognoscere, & quam commoditatem utilitatemque præberet, explorare.

2. Omni contentione & studio navigandi elaboravimus, ut ad diem XVII. Septembris Angliam attigerimus, & tandem in portum Milfordensem pervenerimus, ubi præfatus ad salutandam Regiam Majestatem, & ut cognosceret ab ea, in quo portu naves appellere vellet, à nobis discessit.

3. Postquam ad Regiam Majestatem pervenit, incredibili lætitia est exceptus: cumque amplissimè de sua navigatione retulisset, iussus est à Regina, naves & quæ in his essent, Londinum regni metropolim adducere. Quo factò, cum ad fluvium Tamesim pervenissemus, summa gratulatione & maximo gaudio excepti fuimus.

4. Sylvestris ille & mulier cum infante, quos ex illa barbara natione adduximus, Reginæ fuerunt oblati: omniumque præcipua expectatio erat, fore ut in adventu suo, aliquos insolitos gestus ederent: sed suo more semper quietos se ostenderunt, nec ullum mutatae mentis signum dederunt, nisi quod admiratione tangi videbantur, ex insolito hominum conspectu,

5. Signis quibusdam & ore etiam significarunt, viri nomen esse Calichoe, mulieris Egnoge, & infantis Nutioc.

6. Unæ illæ delitiæ & ludi, quos hic sylvestris edidit, cum esset Bristovii, hi fuerunt, quod cum videret tubicinem præfetti nostri equum conscendere, idem facere volebat, sed planè contrario modo, facie ad caudam conversa. Delectari autem maximopere visus est, cum equum crura in sublime jactare cerneret.

7. Quamdiu vixit, Regina ei permisit, ut omnis generis aves liceret illi in flumine aucupari, etiam cygnos, quorum tanta in Tamesi copia est, ut totius propemodum ab his contegatur. Alioquin sine permisso Reginæ, sub pœna suspendii id nemini licet.

8. Alebantur hi sylvestres, suo more & consuetudine, carne scilicet cruda. Accidit aliquando ut occiderent damam, eam devorarent unà cum visceribus & excrementis.

9. Non potuere in vita diu conservari. Nam brevi post adventum nostrum vir & mulier mortui sunt, relicto infante XIV, aut XV, annorum.

10. Nobis quidem Deus Opt. Max. ita sua gratia affuit, ut non nisi duos e nostris amiserimus, quorum unus morbo victus e vita decessit: alter e navigii foris, procellæ vi impulsus in mare decedit, ubi piscibus esca factus est.

11. Duo quoque aphracta in nostro reditu aberrarunt, unum ad XXVII. mensis Augusti, alterum ad XXXI. idque propter tempestatem & tenebras, quæ tum inciderant. Veruntamen alterum Bristovii Dei beneficio appulit: alterum verò, quod Scotiam versus iter tenuerat, ut Jermutham iret, postea non comparuit.

12. Atque hæc summa est earum rerum, quæ nobis in hac nostra navigatione memoratu digniores occurrerunt: cætera tempus docebit, cum ulterius progredi, Regiæ Majestatis jussu nobis licebit.

§ 3. Illud ad extremum addere placuit, ex hac Forbifleri navigatione, quam in has Septemtrionales regiones suscepit, intelligi posse, quanto perè veteres à vero aberrarint, qui duas zonas, circulis polaribus inclusas, ob ingens & perpetuum frigus; coelique asperissimam intemperiem, inhabitabiles esse crediderunt. Nam nos, Dei beneficio planè diversum asseverare possumus, nimirum non solum habitabiles, sed etiam habitatas esse ab hominibus, licet sylvestribus, bardis, stupidis, indomitis, ac vero rationis usu carentibus. Et quanquam illæ Septemtrionales regiones, perpetuis nivibus & glaciibus obductæ sint, solisque radii ob debilitatem, & quia à terra non refringuntur, illas dissolvere non possint: nihilominus tamen Deus Opt. Max. qui dedit hominibus terram inhabitandam, sua infinita & admiranda bonitate & potentia, eas quoque regiones, quæ falsò habitari non posse credebantur, ita temperavit, ut homines ibi durare possint: eaque illic germinare, crescere & provenire iussit, quæ hominibus & animantibus illic degentibus, ad vitam sustinendam necessaria & utilia essent.

Finis navigationis Forbifleri.

ANNOTATIONES.

Pag. 1. Num. 2. Catainam.

CAtaina amplissimum Magnæ Tartariæ regnum est: quæ per vastissimas & latissimas Orientis solitudines, ad utrumque Oceanum Orientalem, ex una parte, ex altera ad Tanaim & Persidis ac Turcorum regnum extensa, utramque Scythiam & multas alias terras, ut Sericam, Ariam, Sinarum regionem, ad quam Lusitani accedunt, complectitur. Principem totius generis Magnum Chamum nominant. Regia sedes est civitas Gombaleschia, cujus ambitus duodetri-

ginta millia passuum habere perhibetur, hoc est, septem miliaria Germanica. In eadem est urbs Quinsæa, cujus ambitus (ut M. Polus Venetus scribit) luperat centū millia passuum, habetq; 12000 pontiū tantæ altitudinis, ut naves onerarias explicatis velis faciliè admittant. Quod Bodinus fabulosum putat.

Pag. 2. Num. 2. America. America dicitur novus orbis, ab Americo Vesputio navigationis duce detectus. Americus enim ille, post Columbum Genuensem, anno 1497. jussu Regis Castiliæ, eam regionem ingressus est. Unde Adolphus Mekerchus.

Inferiore solo, quam cernis, America dicta est:
 Quam nuper vectus pelago Vespucius audax
 Virapuit, tenero nympham complexus amore.
 Illa oblita sui, castiq; oblita pudoris
 Nuda sedet totum corpus, nisi vitta capillos
 Plumea vinciret, frontem nisi gemma notaret,
 Ambirent teretes nisi tintinnabula suras.
 Lignea clava olli in dextra: qua mactat obesos.
 Atq; saginatos homines, captivaq; bello
 Corpora, quæ discissa in frustra trementia, lentis
 Vel torret flammis, calido vel lixat ahenis.
 Vel, si quando famis rabies stimulat mage, cruda
 Et jam cæsa recens, nigroq; fluentia tabo
 Membra vorat, tepidi pavitant sub dentibus artus,
 Carnibus & miserorum & sanguine vescitur atro.
 Horrendum facinus visu, horrendumq; relatu.
 Quid non impictas designat barbara? quid non
 Contemptus Christi?
 Aspice in læva foedatum cadere recenti
 Humanum caput. En arcum celeresq; sagittas,
 Quæis solet, adducto dum flectit cornua nervo,
 Vulnere certa viris, certamq; infligere mortem.

Mox.

Mox defessa hominum venatu tradere somno
Membra volens, lectum contextum rarius, instar
Reticuli, gemino à palo quem fixit utrinq;
Concendit, textoq; caput reclinat & artus.

Pag. 3. Num. 5. Londino. Londinum, à C. Cæsare Trinobantum (ut plures existimant) nuncupatum, totius Britanniae regia, multarum gentium commercio nobilitata, exculsa domibus, ornata templis, excelsa arcibus, & denique rerum omnium copia atque opum affluentia valde mirabilis. Invehit in eam, totius orbis opes, ipse Tamesis fluvius, statis horis Oceani aestibus superbus & tumidus, & onerariis navibus, ab ostio per sexaginta millia passuum ad urbem tuto semper & præalto alveo navigabilis. Ripas undique peramoenae villae, prædiis atque nemoribus distinctae passim exornant: ab inferiore, scilicet parte, Regia domus Grinvicia, ita Anglicè à viridariis appellata; & in superiore Prætorium nomine Ricemundum; in medio autem nobilis structurae exurgit Westmonasterium, ab occidua parte urbis, foro judiciali ac Petri templo, Regum sepulcris exornato, longè clarissimum: atque item vigesimo lapide à Londino, regium castrum Vindosoriae, secedentis regis peramœna sede, aliquotque regum sepulcris & Garetteriorum sodalium cerimonia percelebre. Olores autem agminatim, læto occurso & festivis cantibus subeuntes classes excipiunt, ac undique retia siluris atque salmonibus expanduntur. Jungitur ad urbem lapideo ponte, structura mirifici operis, nec ullis imbribus augetur, cum unis tantum aestibus intumescat. Aulae & foro Gallicus sermo familiaris est, adeò, ut ad nobiliores etiam foeminas perveniat.

Pag. 6. Num. 14. Mare australe. Australe pelagus hic intellige, non quo rectè in Austrum navigatur, aut quod polo Antartico subest. Sed cum Indica continens duplici utrinque Oceano alluatur: qui in Meridiem & Occidentem vergit,

Australis & vulgo Mare del Sur: qui in Orientem & Septemtrionem, Septemtrionalis appellatur, vulgò Mare di Tramontana. Verum mare illud Australe, Valcus Nunez Valboa primus reperit, moxque ejus oræ præfectus designatus est.

De Septemtrionali maritimo in Tzinam itinere, observationes, natæ ex colloquio cum doctis Geographis, hac de re instituto; in Amici gratiam adjecta.

I.

Barentsen, Hutsons, Pontani & aliorum nota est sententia, qui impossibilem hanc navigationem esse negant. Neque hanc prolixè repètere, neque rationes hujus sententiæ examinare in præsentì animus est.

2. Ex relatione Russorum quorundam colligere licet, illam esse possibilem, si minoribus navibustentetur. Quidam in Siberiam antè aliquot annos relegati, terrestri & maritimo itinere in Tzinam profecti sunt, sed per insulas aliquot & fluvios, non verò per vastum illud Septemtrionale & Tataricum mare, in quo *frigus iners habitant, pallorq., tremorq., & jejuna fames:* quæ mala, in Novam Zemlam navigantes experti sunt.

3. De freto Anian & promontorio Tabin, utrum dentur, nec ne: nihil certi afferri potest. Non desunt, qui fretum Anian omnino dari negent, terrasque Asiæ & Americæ Septemtrionalis cohærere dicant. *Hos, quia experientie testimonio refutare non possumus, in medio rem relinquimus,* inquit Bertius, in B. O. T. De loco quoque promontorii Tabin, manet controversia, diversas Geographorum tabulas conferenti obvia. Non sine ratione quidam mirantur, cur tam diu investigatio freti Anian, quæ ex Indiâ Orientali in Septemtrionem institutâ navigatione inchoari potuisset, dilata sit.

4. Via per fretum Hudson, Davis, & Forbifferi; perque Buttons, Bassins & Smits Bay, sinumque Munkii, per Americam Septemtrionalē, versus Septentrionem & Occasum, successu caruit, & propter coherentiam Americæ, Asiæ & Grönlantiæ, aliarumque Septemtrionalium terrarum, carebit. Aut nulli, aut barbari homines ibi inveniuntur. Glacie, inivis, nebularum, ventorum, maris & portuum in primis incommoda, difficultates & mala, etiam in æstate transeo.

5. Via per fretum Nassovicum vel Weygats, & Obium fluvium, ut & alia, inter Spitzbergam & novam Zemlam, per Willonghbes, Meyen, Tuerre insulas, terram Marzin, aut alia quoque loca Asiæ viciniora, in mare Asiaticum Septemtrionale, cursu in Orientem instituto, ut hætenus, ita porro frustra quæritur. Ut de freto Anian nihil repetam, promontorium Tabin, sola fama nulla experientia notum, (circà quod Asiam acutum anglium facere putant,) adhuc in dubio est. Credibile est, à quibusdam auriferas potius terras in Septemtrione quæri, quam transitum per Septentrionem in Indiam. Frustra per Islandiam & Frislandiam in occidente: frustra per promontorium Norteaep dictum, frustra per Novam Zemlam, Orientem versus via illa quæritur.

6. Nova Zemla, si Bertio fides, 4. grad. australior est Grönlantiâ, secundum alios 2. & dimid. gr. tantum. Spitzberga à gr. 77. ad 80. usque cognita est. Ulteriora novæ Zemlæ sive terræ novæ, Spitzbergæ sive Neulantiæ, Grönlantiæ Americæ, & Tartariæ Septemtrionalis, incognita sunt: & fortè etiam manebunt. Neque ultra gr. 80. (al. 82.) progredi licebit. Qui balenas quærunt, ultra gr. 76. rarò progrediuntur, sed intra 70-76, gr. manent.

Pag. 10. Num. 26. *Monocerotis cornu.* De monocerote Jo. vius lib. 18. historiarum sic scribit. Monoceros animal unicornè, pulli equini forma, colore cinereo, jubata cervice, hir-

cina

cina barba, bicubitali cornu armatam frontem præfert, quod levore candoreque eburneo & pallidis distinctum spiris, ad obtundenda hebetandaque venena, mirificam potestatem habere dicitur. Cornu enim immisso & per lymphas circumducto, fontes expiari perhibent, ut salubriter bibantur, si inde virosæ bestię præpotarint. Id vivo animali non detrahi, cum ullis insidiis intercipi nequeat. Cornu tamen sponte decisum in desertis reperiri, ut in cervis accidere videmus, qui ex senectæ vitiiis, renovante natura, vetus cornu exuunt, venantibusque relinquunt. Hoc cornu, regiis impositum mensis, toxica si qua sint epulis indita, emisso statim admirabili sudore, convivis prodere narrant. Cæterum de vi tantæ dotis in hoc animante, nihil plus affirmaverim, quàm quod evulgata fama credentibus suadet: cum antiquorum autorum nemo, quod legerim, præter unum Ælianum Græcum, quicquam de hac monocerotis admiranda potestate prodiderit. Hæc ille. Arngrimus Jonas Islandus, in Crymogæa sive Islandiâ, piscem cornutum Nahual aliis Narwal dictum describit, quod carnem habeat hominibus noxiam, quâ pro cibo uti non liceat. si homo eam comederit, moritur. Dentem in parte capitis antica, longitudine VII. cubitorum fert, quem pro unicornu vendunt, vim antidoti contra venena ei adscribentes. Longitudo hujus piscis est ulnarum XL. Hæc ille.

Qui animal unicornæ, quadrupes, tomento, superinductâ cute & habitu exteno servato referctum, Romæ, Madriti & Florentiæ viderunt, Jovii ferè verbis, id nobis describunt. De monocerote pisce certa & explorata res est. Contraversiam verò de monocerote terrestri & quadrupede, subinde agitatam, nostram non facimus.

APPEN

APPENDIX.

Ad Lectorem.

NE aliquæ pagellæ hic vacarent, quædam ex Jovio, Longo-lio & Lullo adjecimus, quæ historiam illam novi orbis jucundiores efficerent. Tu igitur Lector, his fructuere & vale.

JOVIVS LIB. XXXIV.

I.

Non ineptum hoc loco fore existimaverim, si qui hæc reppererunt, tanquam publica laude dignissimi, memoriæ prodantur. Nam postquam Columbus Ligur, admirando ingentis animi captu, eruditoque judicio vir, & uti quibusdā apparet, Hercule Græco, inusitatæ famæ gloria major & illustrior, alterum propè terrarum orbem, vasto atque intentato prioribus seculis Oceano, ad Occidentem nobis aperuit. Non defuere alii atque alii ex Hispanis, eo apud Hispalim defuncto, qui pari æmulatione laudis & spe quæstus, eadem littora sequuti, ultiores novæ terræ, quam Pariam vocabant, terminos quærirarent, disparti quidem fortuna suscepti cursus, quum nonnulli eorum (ut credi par est) immenso inexploratoque absorpti Oceano, nusquam apparuerint, & aliqui ab Anthropophagis, qui Canibales appellantur, capti comestique, foedam miserabilis audaciæ memoriam reliquerint.

2. Ea terra æquatori subiecta (ut suo loco memoravimus) à Gaditano freto, rectè à inter occidentem atque meridiem navigantibus, emenso bis mille amplius leucarum itinere, occurrit, frondoso ingentium rupium promontorio, tanquam

G

rostris

roftro Oceanum proſcindens. nam æquis lateribus littora inſinito tractu, hinc ad occidentem, illinc ad meridiem immenſis adhuc ſpatiis extenduntur. Sed poſt Columbum, tres ante alios ex Hiſpania, felicia uſu, & rebus geſtis maximè clari & memorabiles extiterunt. Ferdinandus in primis Cortefius, qui in poſtremum occidui littoris ſinum delatus, ad Mexicana regna terreſtri itinere contendens, ſubactis Indis, Themelitana urbe potius eſt, quàm fabricatis navigiis, eam urbem falſo in ſtagno poſitam, ædificiis què & incolarum frequentia, Veneræ urbis in ſtar admirabilem, multis proſperè factis præliis expugnallet. Mexicanæ genti, ſuperis vivos homines, ſed maleficiis damnatos, immolare fas eſt, placari què numina humano ſanguine credunt. & poſt mortem non interire animas perſuatum habent, ut credi par eſt, ex diſciplina ſuperſtitione què Druidarum, quorum ſumma authoritas antiquiſſimis temporibus in Gallia pariter atque Britannia viguiſſe conſtat. Ita ut Cortefio non omnino difficile fuerit, ſubactam armis gentem per ſe ingenioſam & docilem, tormentorum què miraculo terrefactam, ad Chriſti cultum, abdicatis idolorum ſuperſtitionibus, traduxiſſe: literas enim jam noſtras admirantur & lubenter diſcunt, rejeſtis hieroglyphicis imaginibus, quibus annales conſcribere ſolebant, variis picturis regum ſuorum memoriam poſteris tradentes. Quorum annalium volumen, ex perpetuis, ſed introrſus complicatis foliis conſectum, tigridis què maculoſo tergore proteſtum, vir illuſtris Franciſcus Covos, Cæſariani ſcrinii magiſter, mihi dono dedit.

3. Mexicanos pro rege ſuo & pro libertate dimicantes, nulla res magis exterruit, quàm equeſtris turmæ impetus, quum equitem integrum eſſe animal Centauri ſpecie putarent. Sed poſtquàm equi duo Indicis conſoſſi ſparis, maſtaturique clavarum ictibus conſiderunt, depræhenſo errore, de-

tracta

tracta statim equis coria, usq; adeo exactè tomento repleverunt, ut vi-
vorum effigiem repræsentarent, & in templo tanquam admirabilis rei
spectaculo lussenderent. Cæterum Cortesius, è Mexicana regione per
occidentalem lineam terrestri itinere profectus, non longè abesse ma-
ria ab incolis didicit, paucisq; diebus ad litus exterioris Oceani per-
ventum est, unde, si classes adessent, peti posse consideret per Antipodas,
Sinarum regna, Catainasq; oras ad orientem nostrum, jam pridem adi-
tas Lusitanis, à quib; non longè, in eo tractu, beatæ multo aromate atq;
unionibus Molucchæ insulæ, sub æquinoctiali linea sitæ esse dicerentur.
At Cortesio, perpetuis Hispanorum historiis celebrato, claritate nomi-
nis æquari potuit Blascus Nonius, nisi turpissimo vitæ exitu, pristinæ
laudis decus obscurasset. Ab hoc enim, diu pervagante Parix terræ &
Darienæ regionis littora, repertus est isthmus ad Urabanum sinum, quo
duo ingentia maria dirimuntur. A Comogro siquidem ingentis amnis
ostio Darienisque littore, per inaccessible prope montes, monstrantibus
iter indigenis, Blascus summa juga tenuit, & subiectum in adverso litto-
re vastissimi pelagi sinum conspexit, in quo auri & unionum ditissima
regna reperta sunt, atq; item conspectæ aditæq; aliquot insulæ earum
rerum opulentia insignes. Itaque invento multo auro, Blascus brevio-
rem transitum quærens, non plus inter se distare diversa maria quàm
centum milliaribus depræhendit, sicuti in Oceaneis decadibus Petrus
Martyr Anglerius scitè refert, verum itinere adeò densissimis nemori-
bus & abruptis petris, frequentibus fluviis impedito, ut non nisi magno
cum labore periculoq; illac nostri permeent, quum passim inhospitæ ac
insidiosæ gentes venenatis instructæ sagittis occurrant. Quibus de cau-
sis Blascus ejus tractus regulis, aut muneribus delinitis, aut cruenta acie
subactis, quatuor castella, ut commeantibus ab utroq; mari tutissimus
esset receptus, opportunis intervallis constituit, ædificata etiam classi-
cula in proximo portu, cui divo Michaëli nomen fuit. Cæterum dira
auris itis noviq; imperii libido, Blasci animum non multò post occupa-
vit, eo rerum exitu, ut affectati regni crimine damnatus, capite plectere-
tur. Indignus certè eo supplicio, nisi perfidiose defecisset: quod ad
lævam longo tractu Peruana & Cuscana regna auro & gemmis scatenti-
a, successoribus Almagro atq; Pizarro demonstrarit. Ibi enim ferunt
nullam aliam, quàm solidam ex auro privatis in domibus vasorum omnis
generis suppellectilem reperiri, Montium rupes ingentis adamantibus,

præcipueq; smaragdis, & cyanis & carbunculis collucere, flumina propè univèrſa auream arenam trahere. Solum fecunditate rerum omnium incredibili, & perpetuò ferè Autumno florere. Ex mira quoq; cœli clementia, homines integra valetudine, ſeculi ætatem implere, ſic, ut intempeſtiva mors Blaſci videri poſſit, quo authore, tanta, ut diximus, vis auri & gemmarum in Cæſaris ærarium deferatur.

4. Sed ſupra Cortefium & Vaſchum, portentosa navigatione inclutus fuit Magalanes Luſitanus exul, qui auſpicio Cæſaris alterum Parix terræ littus in orientem obverſum, quinque navium claſſe percurrit, legendoq; oram, prætervectus lineam capricorni atq; oſtia immenſi Argentinei fluminis, uti Hiſpani vocant, ferorū gigantū inſtar, prægrandes homines belluarū pellibus contextos reperit. Nec multū inde, uti avidè quærebat, prope antarcticum circulum, in anfractuofas fauces audacter invectus eſt, non inani conjectura judicans, novi orbis terras illac irrupente Oceano eſſe permeabiles, eumq; proſecto ſinum, non longo tractu in apertum ad occidentem pelagus deſinere. Neq; eum ratio ex natura lege deducta ſefellit, qua terra omnis circumfluente Oceano variis ſinibus ambitur. Ad lævam nivosa rupes ſpectabantur, ſuis culminibus primam aëris regionem excedentes. Expertinebant ad eam plagam perpetuo gelu (ut credi par eſt) rigentem, quæ antarctico ſubeſt. Sed nec in ea cœli parte polus, uti apud arcticum contingit lucidiore aliquo aſtro notatur, quum parvæ ſtellæ, nullo vel certè languido fulgore nitentes, polare punctum deſignent, duabus nubeculis, ſtabili pigroq; rotatu, immobilis poli ſedem ita circumeuntibus, ut urſæ noſtræ tenorem & ſpeciem nautis obſervatoribus, nuſquam fallente magnetis uſu certiffimè præbeat. Procedenti per occiduam lineam Magellani, tortuoſæ & inæquales ſemper fauces occurrebant, mare autem modò fluctuoſum, ſpumofuſq; vorticibus & ſævo mugitu reboans, modò tractabile & pigrum, prout objectis incideret cautibus, aut in latos ſinues expansum deferret, vario velorum flexu perſulcabat, nuſquam arctiorem ſinum trium milliarium ſpacio, nuſquam ſeptem latiore mactus, quum à dextra depreſſiora littora arboribusq; veſtita, nulla tamen apparente hominum cultura, ad lævam verò cuncta gelu horrentia, maximeq; ſcopuloſa ſpectarentur, collucere tamen ad dextram excitati introrſus ignes ab incolis, ut de adventu novæ claſſis proximis populis ſignificarent. Cæterum Magellanes diu crebris orationibus ſuſtentatos

ros delinitosque nautas, qui jam animos desponderant, quod neq; progredi neq; regredi, nisi incerta vitæ spe posse crederent, post vigesimum & septimum diem, ex quo sinum intrasset, in apertissimum vastissimumque Oceanum eduxit, ad dextram vela deflectens, utpote qui terras ad antarcticum ultimæ continentis esse putaret, & ad lævam mitiora omnia se inventurum arbitraretur. Quando jam ad tropici capricorni circulum, & ad ipsam æquatoris lineam rediret, sub qua Moluccas, quas quærebat, insulas omnino sitas esse didicisset. In dextra itaq; Peruana & Cuscana regna, totumque illud immensum Pariæ terræ occidentale litus relinquebantur, quod Blasus post transcensum Urabanum isthmum, Hispanis successoribus, ad condenda regna, serendaq; etiam, propter auri sitim, intestina prælia demonstrarat. Nihil. n. inde Magellanes terrarum usquam vidit, præter duas insulas, quæ desertæ appellantur, perhibentq; eas cosmographiæ periti, ex diametri ratione Italici esse antipodas. Discessit inde Magellanes planè consumto omni comenatu, lenissimis atq; his uno tempore perennibus usus ventis, trimestri confecto cursu, obversis semper ad æquatorem prorsis, non Moluccas quidem attigit aromatum pretiosorum fertilitate celebratas, verum immensi propè ambitus insulas, Javanam, Pornem & Subutham, ipsa Britannia majores, è quibus Moluccæ satis exiguæ, sed præstantia rarioris aromatis insignes, incôlarum digitis tanquam propinquæ monstrabantur.

5. Sed Magellanes fatalis voti sui compos, in limine quieas viderat, adire non potuit: cum Mauthane siquidem insulæ regulo, Suethani socii regis auspicio, acie dimicans occubuit: eiq; suffectus est Serranus, qui nihil commodius duxit, quam ab his insulis inhospitaq; terra perfidosæ gentis protinus excessisse, quod sibi ad paucos redacto, numerosa bellicosæ ejus gentis manus, justum incuteret metum, quoniam ferreis gladiis & præpilatis hastis uterentur. Verum dum adit regulos Serranus, amicitiasq; & fœdera jungere, ac Christianæ religionis cultum inducere contendit, & quod instituti erat, naturam & magnitudinem Moluccarum scrutatur, regulis uno consensu adversus peregrinos ad arma concitatis, in Bornæ insula captus, misereque à sociis desertus est, qui insidias veriti, publicam salutem novi ducis libertati & vitæ anteponendam censebant. Atq; ita cariophylli & cinamomi nucisq; myristicæ surculos ex natali solo colligentes, ut testimonii certam fidem refer-

ferrent, ex quatuor navibus vetustate semicorruptis, duas magnâ cura, usi illarum armamentis, materia & clavis, refecerunt, Eurisq; vela dantes incogniti Oceani immensis spaciis usq; adeo audacter se crediderunt, ut prætervecti auream Chersonesum, & Samotram, quæ Taprobana olim fuit, Gangeticiq; item sinus emporia, & Cumerum promontorium, ac denique Calecutham superarint, nusquam à Lusitanis conspecti, qui Indicam oram præsidii obrinebant. Inde verò ad Bonæspei promontorium cursum habentes, eo superato, dextrorsum per Æthiopix littora ad Hesperides insulas contra Praxium promontorium, altera tantum navi, non amplius quàm viginti duo homines semivivi pervenere. Ibi qui totum undique emensi orbis ambitum circuierant, Barbarorumque mille insidias & omnem maris sævitiam evaserant, à Lusitanis insulæ præsidibus custodiæ traditi sunt.

6. Nec multò post tamen ex his Hieronymus Plegaphata Vicentius, voto pro salute redituq; suscepto, ad Clementem Romam venit. Is tanto subternavigati orbis miraculo fidelib9 testimoniis comprobato, multa nostris admiranda, observandaq; posteris, pictura & scriptis adnotata deposuit: sic ut Magellanes nihilo felicior Blasco, sed inusitata laude præstantior, existimari possit, nisi inauditi antea freti faucib9 adinventis, tantæ rei infirma adhuc fides famam elevaret, quum nemo hactenus à vigintiquinq; annis eas fauces sedulo quaritans intrarit aut viderit. Neq; operæ pretium esse reor, ut à legentibus hoc loco & ad historix contextum properantibus, veniam deprecer, quòd me li tres viri, inclytis heroibus comparandi, ab instituto longius abstraxerint, quando eos omni laude ad perennem nominis famam exornandos putem, veterum Græcorum more, qui ingeniorum fecunditate & gloria polientes, non ipsos modò admirandarum rerum & regionum inventores, sed minorum etiam artium opifices, carminum suorum præconiis, æternitati consecrarunt.

*Christophorus Longolius Octaviano
Grimoaldo S.*

I.

CONsumsi hesternum diem ferè totum cum Fr. Charecato, viro, qui nec à litteris nostris abhorreat, & multis magnisq; de rebus à Pont,

Pont. Max. ad Cæsarem sæpè legatus sit. Is cùm mihi multa de Cæsaris imperii magnitudine atque opibus narrasset, ostendit ad extremum monstrificas quasdam rerum species, quas ab Indorum regibus ad Cæsarem missas, atquæ sibi ab eodem Cæsare donatas esse affirmaret. Eæ magna ex parte gemmæ quædam ampliores fuerunt, tam confusis metallorum generibus, ut neque discretum quicquam in eis appareret, & multarum etiam animantium simulacra exprimerent, eaque non tam fortuito linearum colorumque concursu, quàm ipsa extantis materiæ mole confirmata. In iis erant anatum rostra, gallicorum canum capita, pavonum pennæ, atque alia id genus pleraque.

2. Verum omnium admirationem facile vicit, ejus quæ apud Indos religiosissimè colitur, Furia persona, non nativa quidem illa, sed hominum ingenio preciosè & affabrè deformata. Audisti enim puto, miram iis gentibus superstitione esse persuasum, Deam & Furiam sic mundi imperium inter se initio divisisse, ut illa cœlitibus, hæc inferis & manibus jus diceret: atque ita fieri, ut dum hanc unam sibi placatam trepido metu cupiant, eam omni etiam divini cultus honore prosequantur. Ligneæ igitur ejus est persona, sed cui tenuissimum vermiculati operis emblemata inductum sit, ut penicillo depicta, non gemmeis tessellis ornata videatur. Mentum, superiusque & inferius labrum, Cyanei lapilli segmentis enitent. Nasus, genæ, malæ, buccæ, saphiri micis splendent. Supercilia à fronte tenui ex jaspide tenia distinguuntur. Frontem latior è smaragdo fascia præcingit, quæ secundum aures leviter demissa ad mentum usque utrinque porrigitur. Superiora rutilo jaspidis nitore collustrantur. Os hiæ dentes ostendit quatuor, latos, continuos, candidos, ac item duos, qui rictum hinc atque hinc claudant, exertos, nec aprugnis ab similes. Eburnei quoque oculorum orbis, ex electro ruffa fenestrantur pupillæ, speculi vim tam absolutam reddente illa, ut totam hominis imaginem exprimat atque representet. Quæ ad superciliorum & nasi commissuras subsidet lacuna, ea verò eburneola bulla expletur. Tempora autem iisdem quibus oculi, electrinis speculis illustrantur: sed teretibus iis, non orbiculatis. Auriculæ pro personæ modo grandiores ex jaspide effulgent. Omnino res visenda quidem illa, sed structura potius & opum magnitudine, quàm ulla liberalis faciei dignitate. Mihi quidem, ut primum ejus spectandæ potestas facta est, Furiam videre sum visus, aspectu barbaro terram & horridam,

ore hianti, exertis utrinque dentibus, colore partim cæruleo, partim viridi, partim rutilo, nec eo tamen usquam satis florido, sed vel austero, vel diluto, vel pingui, vel etiam, quod umbrarum concursu evenit, obscuriore & ingrato. Vale.


Antonius Lullus Hispanus.


I.


Indorum gens illa novi orbis (quem Columbus primum Ferdinando & Isabellæ regibus Hispaniarum Buxolæ beneficio investigavit, & sub Carolo V. Imp. postea magnis laboribus Hispani cum Cortesio, Valboa, Pizarro & aliis ducibus regno Hispaniæ addiderunt) præter figuram nihil planè habuisse humanitatis comperta est: nullum pudorem, nullam amicitiam, nullam fidem. Nam (paucis aliquot principibus eorum demtis, quos oratione usos ferunt & rationibus) cæteros à beluis differre nihil dixeris, præter faciem: quanquam & hanc ipsam miris modis deformant, ne homines esse videantur, sed serpentes potius aut crocodili. Feris omnibus truculentiores, occisorum in bello hominum membra palpitantia mordicus depascunt, sanguinemq; sugunt, ex iisdem corporibus, vulturū in morem: quod neq; lupi neque ferarum genus ullum sicut suam similitudinem meditatur: & fabulæ instar videri posset, nisi tam multis testimoniis jam esset roboratū.


2. Et quia nihil est tam horridum & insuave, quod consuetudine non aliquando mitescat & tanquā maceretur: iis qui regionem illam (etiā ex Hispanis) subegere, nescio quid profecto affricuerunt feritatis & sævitiae: ut quidam inter eos reperti sint (sive exemplo moti, sive ærumnarum mole oppressi) à magnis sceleribus & immanitate vix se continentes: facti cupidi, rapaces, seditiosi perinde atq; ipsi incolæ. Et ne feces populi commemorem, primi ipsi duces, qui Peruanam illam terrā cepere, & in illa gubernāda sibi succedere, nonne mutuis cædibus omnes ferè confecti sunt? Nam Franciscus Pizarro suffocavit Almagrum: Pizarro necari fecit filius Almagri: hunc postea Vasca jugulavit: Vascā cepit Blasco: hunc in prælio interfecit frater Pizarri. Ad eodē corrumpuntur illic mores: sive id accidat exemplo incolarum, sive à coeli natura, sive ab auri atq; argenti copia, quæ oblata, passim reddit attonitos & extra ipsos, homines alioqui cupidos & avaros.

ΤΕΛΟΣ. Τῶ Θεῷ δόξα.









2.118

Handwritten signature

c

D675
S495h





